

精鈔
大字

隨

園

全

集

湘 詩

葉 痕

閣

上海文明
書局藏版

余家昔有三祖姑皆事吟詠先大父曾取其詩刊入小倉山房全集中題曰袁氏三妹合稿嗣余妹輩亦有能詩者三。一曰琛華為余長姊。一曰柔吉為余堂姊。一曰黛華為余再從堂姊。彼時同居隨園中。聯袂唱酬。無間寒暑。余最幼穉。猶竊聞之。厥後長姊就養山右。喜甥輩已將琛華集付之剞劂。惟柔吉乃及黛華兩姊。以癸丑殉金陵失陷之難。故詩稿並失。心焉傷之。亂定乃遇天長崇氏子為柔吉姊之姪孫輩。幸以抄存湘痕閣詩詞稿見貽。噫。貞魂烈魄。冥冥中竟有呵護者。不然何以圖書盡失。而此卷獨流存耶。余以薄宦無力付梓。今承同宗古香閣呈。慨然以剞劂。自任。此等風誼。近世幾不復聞矣。感激涕淋。敬以原稿授之。並贅數行於卷末。以識發潛聞幽之盛德云。光緒丁亥冬月弟祖志翔甫氏識

叙

余於丁巳孟夏暫羈河曲。蓬心不振。蒿目多憂。時與王子甘巖撫桑落。以延娛折舜華。而絳詠間披青牘。坐遣朱明。偶出表柔吉女士詩相示。曰。此璧水之瓊流。玉臺之錦製也。可無一言以弁之乎。女士靈根浙水。秀出倉山。徵蘭設悅之前。銘菊垂鬢之始。金鑿曉筆。披紫石以飛文。織素秋絲。纂青雲而落組。博天公之笑。早擅投壺。騰邦媛之華。爭為下鏡。既而女牀載月。堵浦栖霞。銜鴛翼以為褺。拂龍賓而傳翰。香芳琴好。愁一日之分離。雪夏雷久。祝千秋之共命。天長古名窈窕淑女。如此良人。樹草無憂。將花何怨。若夫匏瓜命獨。特居紆絕之天。玉樹神推。竟瘞沉冥之壤。當是時。飛龍

沈氏傳言和
骨出不難畢命於投棺黃鵠詞哀故欲殉恩以引玦而烏鳥則空巢待哺鳳雛則文襟方啼思一
夕而九乖屢筭終忍扶寸田而尺宅銜關奚辭孰知八難無涯三辰有譴羊祜之金環頓盡澤
蘭之彤管俱亡貞木無春葉黃凋以暴雨寒巖背曜石赤露而還霜祚絕身單吁其慘矣至若大雷
書遠傷雁去於賢見白雪歌沈慟鸞叱於少妹悽愴山川之外邈縣綿素之間則又觸緒停絃怨
靡蕪而失夢含秋罷杼感桃葉而思歸者也當打檠石城之後屬傳烽江渚之初釁起蒼鷲鹵
騎則投鞭忽渡丘顏朱雀關門則奪鑰全開於時玉弩飛空聲動鄭元之里珠樓濺血心傷李白
之孫賦烏鵲以投臺靡他永矢效銀瓶之墜并此節終完嗟乎填精衛之寃滄溟尚淺汨娥皇
之魄湘水何深天以醉而多嗜人以孤而益危道稱與善復何言哉予幸為男子竊三樂於榮期
悼彼佳人增四愁於平子同傷離亂為綴斯文甘泉李肇增水叔

宗節母傳

節母姓袁氏名嘉字柔吉浙江錢塘人為隨園先生長孫女幼端慧父遲極鍾愛母沈本才媛教以詩神解獨超尤工倚聲長歸天長崇氏崇巨族多巍科碩學所適雲根茂才名一穎負才望伉儷甚篤早卒遺子二女一以奉姑撫孤不得遂殉夫志飲水茹檠盡孝盡慈無何二子殤姑亦逝梵然獨處與孤女形影相弔薄田數畝歲值屢稔不得已返隨園侍父母側代弟輩理家政怡怡如也會父母次第三弟夫婦均歿遺三孤撫如已子每當風宵雪夜一燈課讀儼若嚴師其時隨園先生所出遲公一支已中落嗣子通公一支頗溫飽家庭中多難言之隱乃縷述當年祖德痛陳目下艱虞勉勵三孤聲淚交迸二孤旋入泮一孤亦成立而孤女忽夭所謂彼蒼之報施固如是耶余姑母其冢弟婦也道光丙午秋余以省試金陵入隨園拜見之餘蒙異目視涼秋九月芙蓉盛開召羣弟姪暨余開尊聯吟縱談今古極一時文酒之樂其獎掖後進類如此合肥梁氏慕其才請授女公子經即儀徵阮孝廉恩海室也後南河于相山觀察延入署課諸女及愛妾而才名噪袁浦壬子夏余客浦上蒙招往見勉以亟歸赴試母飄泊隱志兼助資斧至今感不能忘是夕歸隨園時尊逆已破楚東下江省無戰守備余作書敦促出山一再不報似有默阻之者癸丑春賊破金陵乃仰天太息謂一生梵獨守節命也即死節亦命也投池水淺不死服阿芙蓉喘二日乃死嗚呼烈矣同時隨園眷屬死者眾而節母為尤慘僕媿輩感懷其慈泣

裏以衾掩倉山下。越十二年。城復屍已不可復殮。哀哉。所著有湘痕閣詩詞稿未付梓。甚矣哉。造物之忌才也。里巷庸女子嫁富室。安樂畢世。或適小康。老死無險巇者。最矣。而節母負才早寡。且獨乃淬其志於辛勤阨塞中。卒以身殉難。豈才果不祥之物耶。抑夙因有宜然者耶。然而其節則千古矣。秋風颯。長夜寂。懷私恩。激公義。用是蒼茫感喟。而為之傳。

甘泉篤生王榮昌

題辭

金陵凌志珪 竹泉

倉山風雅女孫枝快讀新編百首詩埽盡尋常塗抹習吟成恰好淺深時荒蘆斷雁聲流耳落

葉哀蟬感沁脾集中詠燕暨白燕前後落葉詩尤佳寄語紅閨諸伴侶買絲口合繡袁絰自從鏡破復釵分楚

雨酸風不忍聞雁斷更番悲弟妹鸞孤半世痛夫君傷心眷屬同朝露回首鄉園隔暮雲漫絕掌

珠偏早碎棠梨一樹小孤墳

丹徒王榮昌篤生

巾幗才華絕璇閨節列奇露蘭胎慧性霜柏挺寒姿世族揚旆遠高門歷數基一身林下苦千載

女中師浙水芬連桂倉山瑞產芝佩瓊明習禮救玉愛填詞紫石憑刊字紅牋擅詠詩彼姝追宋

若佳壻得義之鏡鑑花初發珠簾月下移雙聲鸞共轉比翼鳳來儀擊鉢爭提耳揮毫更畫眉玉

檀樂小別所居室名金縷曲相思管趙柔情合秦徐艷福宜香雲龍并蒂夢雨折文枝獨宿床空守

呱啼祿未離生為孀婦早死以貌孤遲壯匣捐脂益縹緲車響素帷梅酸方雨泣苗秀忽霜萎壁碎

珠沈運果傾卵覆悲省親歡盡孝撫姪教全慈紗授文宣業綬霏道韞辭欲綿名士緒再闢故山基

畫荻同嚴母寒片喜客兒家庭推屈妙姻戚舉班姬憶昔承顏日新秋應試時隨園仙境入奧室

異書披刮目欣傳祕論心細析疑棘闈祈鶉薦杏苑望駒馳盧李才原敵潘楊誼夙知華年工鬪

句涼夜共浮危葉落瑤牋遞烟橫鐵笛吹鴛亭臨水生蟾魄隔屏窺麟筆精衰賦騷壇妙主持搏
 霄愁鍛羽贈策惱歌驪自痛星亡曙常嗟霧掩曦寄生非久計謀食且幽羈賢看紅妝執經從白
 髮咨袁江攜雀硯郎署擁臯比織錦珍蘇蕙摹碑法茂漪鴻儒驚典雅龍女惜孤危愧我逢河湫
 依人悵路歧深憐籌借著嘉貺助歸資義重羞輕薄恩多瘡渴饑金陵重返棹綺戶又垂扃日黯
 積荒蝶烽狂照大旗寇鞭投竟渡士甲棄如遺豕突雄城破烏啼寶妾墮磨笄紆慘怛仰藥矢
 捐糜劫急哀難殮貞完只賸屍瘦肌攢穴畔怨魄叫天涯丹閣飛灰冷青峰宿草衰石街填渤
 海竹染淒相涓命也摧琴瑟天子厄編基鴿原傷殉難令弟小村宰 鴛塚悼分支歐末 梨恨芳圖
 失棠餘幻影隨節母有梨花白燕圖又月廊香 蓉岡魂可返芙蓉岡 蓬島駕應羈牛媿誰鑄集蝶
 磯允築祠良弓虛似續綽楔待榮施水操先靈慰徽音後嗣貽清風吟峻嶺卓立婉莪眉

陽湖 張縉英

三妹曾傳絕妙詞謂小倉山房集 古懷清節亦如斯淚枯湘竹成斑後秋老倉山閉戶時骨肉摧
 殘悲夢幻離騷哀怨繼風詩眾芳零落憑誰惜珍重虬松百尺枝

王希謐若謝

淵源家學溯真傳白雪陽春字字妍盟手不嫌千遍讀論心已在廿年前丁亥見秋海棠詩 每因
 飄泊愁鴻雁閒把離懷託杜鵑鏡破釵分無限感相痕一卷恨難捐 讀罷君詩喚奈何清才如

此命坎軻。聰明得福人間少。句舊憔悴終身我輩多。百載韶華原是夢。半生歲月任消磨。掌珠一粒。擎難穩。淚溢湘江並女娥。

朱慧貞 浣芳

久聞絳帳賦申情。垂老相逢意更縈。共話此生同逝水。不須開卷已吞聲。女師合向文宣拜。天問難從楚郢賡。讀罷玉臺慚鏡雪。羨君彤管著修名。

兄 璜 鶴塘

辛苦編成一卷詩。織殘機杼淚千絲。止輸福慧鷗波好。才調何慚管仲姬。

姪孫 家 鰲海秋

毛詩三百篇。首載后妃作。共姜古節婦。柏舟意有託。作詩非婦職。此說乃大錯。才與命相妨。或亦命偶薄。吾宗數詩人。罕見題黃鶴。得之巾幗中。今見湘痕閣。隨園紹宗派。才力未嫌弱。芝蘭氣清芬。芙蓉枝瘦削。發抒皆性情。曾不事雕鑿。陶咏任自然。曾不受束縛。負才既如此。而何傷落莫。嗚呼。雲根公在昔。才藝博。胡乃謝盛年。一朝塵夢惡。幸有雙瑤枝。或者慰寂寞。胡乃覆巢卵。亦被鴟鴞攫。人事不可知。天道猶難度。日歸侍雙親。藉奉庭闈樂。胡乃歌哀哀。悲風生泉壑。往者姊妹行。詩酒互酬酢。胡乃風吹散。天文一方各。凡諸軼軻境。一一親領畧。離恨生死并。人事今非昨。落葉想歸根。浮萍無住著。見之於詩篇。血淚縱橫落。擬古黃鶴辭。悽惋更奚若。

湘痕閣詩稿卷上

錢唐 袁嘉 柔吉

擬閨中四時詞

柳絲倦舞東風軟。緩踏蒼苔弓印淺。隔宵香夢宵人癡。鬪草鬪花意先懶。綺窗日日調胭脂。塗抹春寒九九時。為祝封姨勤護惜。紆綃繫徧百花枝。 菡萏香濃池館靜。午睡初回湘簟冷。鬢華如雪。娟雲鬢。悄對圓水粧乍整。丁丁蓮漏。靨紋移綠沈。堆滿青琉璃。凭欄驚地。兜團扇。三兩疎螢墮碧池。 蟬鳴疎柳蟲吟壁。露濕海棠紅欲滴。明蟾弄影過銀牆。曝衣樓迥飄橫笛。靈鷲填河渡羽車。榆星歷歷亂餘霞。臨風爭試穿鍼手。得巧誰先笑語譁。 蕭蕭一夜寒聲送。曉起飛綿壓層重。捲簾真訝玉為山。粧慵斜鞦釵頭鳳。鵲鼎添香。暮篆烟。羅髮呵手貼花鈿。南枝漸透春消息。瘦影何如人可憐。

清明

又值清明候。東皇釀物華。綠眠烟外柳。紅顛霧中花。拾翠招芳侶。嬉春駕小車。水村山郭近。指點酒旗鈔。

春日遊靈谷寺

駘蕩東風拂面輕。載將油壁趁新晴。春浮芳草蓬蓬遠。路入桃花款款行。玉版禪心參四座。金繩

法乳證三生。山空已覺紅塵隔。又聽疎鐘時一聲。

送別華玉姑母回六合

慈顏小別動經年。今日歸來喜欲顛。春亦似知歡會好。一分留在畫樓前。園林過雨正清和。三五流鶯巧弄歌。試向綠雲濃處去。青山一角妬香螺。厨開櫻筍趁斜暉。更有銀鱗入饌肥。遮莫離歌聽不得。心隨帆影渡江飛。

雨後荷亭夜坐

祛暑愛良夜。雨過邀明月。三兩素心人。團坐水雲窟。樓高接瓊霄。亭古通瑤闕。碧天淨如揩。遙岑淡疑沒。徑深螢火流。樹迥蟬聲歇。冷翠侵苔衣。濃露沁花骨。散髮招新涼。臨風遐想發。相期慕神仙。迷津無寶筏。

和胡湘秋兆蘭表妹春日病起詩

綠窗風靜晝晴絲。芳草溼迷宵蝶癡。拾翠恰逢挑菜節。踏青已負禁烟時。病憎花氣垂簾早。心怯春寒捲幔遲。寄語粧成休久坐。任他雙燕語差池。

風

吹徧桃花又棟花。更番芳信報天涯。能噓冷氣乘時令。也扇陽和到物華。江上暗催帆影動。陌頭軟曳酒旗斜。冷冷習習來何處。只隔琉璃不隔紗。

花

芳譜探來各種妍。聽呼小字便纏綿。開經淺煥輕寒候。養趁微雲淡雨天。解語定邀名士賞。生香合受美人憐。金鈴繫徧珠璣護。不逐春風落舞筵。

雪

濕瓦無聲撲紙乾。霏霏一夜糝成團。梨花落處春無色。蛺蝶飛來影亦寒。凍合疎枝迷翠羽。冷封樵徑失青巒。瓊篝薰暖香醅熟。人在重簾怯倚欄。

月

碧海青天夜氣森。何關圓缺問升沈。清凌霜鏡涵秋影。朗濯冰壺證素心。花底閒邀還把酒。桐陰小住暫停琴。臨風偷聽霓裳曲。悟到前身感不禁。

晴秋野眺

遠山收宿雨。野水澹前溪。楓葉留寒蝶。人烟亂午鷄。感時黃菊瘦。惜別翠眉低。且踐登高約。明朝斗酒攜。

風雪憶梅歌

飛廉行天天無色。青女不歡素娥泣。飛瓊仙人為解嘲。清辯滔滔霏玉屑。依稀咳唾來九天。詞鋒傾注如璇源。萬籟俱寂長空無烟。皚然奪盡四山翠。頗使蛾眉不得爭鮮妍。六雲歷落散復

整。傾耳爬沙聲漸緊。不知松外鶴歸來。忽訝窗前蟾墮影。前邨此際足精神。美人未見心先春。一醉羅浮夢初醒。衝寒定有咏花人。我欲探花還載酒。却怕枝高寒出手。消寒戲作梅花圖。呵筆塗來剛四九。

偶感

寄語東鄰女。臨粧莫效顰。千秋無絕色。悅目是佳人。

幽居

徙居來深山。築屋如斗大。洞壑香蒼冥。林莽延虛籟。謾謾松吟風。泠泠石瀉瀨。地僻絕塵囂。身閒忘否泰。了悟清淨理。默若元機會。真味參酒中。幽趣聆絃外。千古賞心人。淵明此為最。

擬古

颯颯西風寒。皎皎秋月白。三兩烏夜啼。空庭墮黃葉。對此甯無情。往事回頭憶。十三倚紅窗。鴛鴦繡裙褶。十五不知愁。憨嬉撲蝴蝶。悠悠度歲華。春晨復秋夕。十七鳳蕭鳴。于歸調琴瑟。向曉竭井臼。親操手無力。入幕習機杼。抽絲未能織。小姑目斜瞋。阿母顏微赤。老嫗背喃喃。爭噉新婦拙。從此卸鉛華。荆布表容飾。書聲亂剪刀。夜夜不忍歇。何日探驪珠。艷誇瓊林客。只恐錦衣還。鏡裏人非昔。

題墨蘭

不共靡蕪米。松煤點染奇。秋花君子佩。香草美人辭。擷露芳如襲。凝烟蝶未知。幽居空谷致。幾費遠欄思。

月夜遊西岡弔胡湘秋妹與黛華青姊王潤如璣盟姊小芬儀吉兩妹同作

嬉春人更惜春宵。三五嬋娟弄影遙。清露漸凝莎徑滑。碧山爭寫黛城橋。謝庭咏好空陳迹。湘女愁深賦大招。夢裏芳魂會相見。遊蹤重待驗來朝。

哭外

一輪月墮畫眉窗。從此鸞分影不雙。鼓到哀音靈瑟冷。醒來噩夢怒鐘撞。松筠志凜看凌節。梅柳春深記渡江。可奈饑驅留不得。夜深雪涕對銀缸。小別依依怨莫舒。而今長決問何如。枉悲婦竟司晨令。未卜兒能讀父書。家少儋儲謀本拙。心存草報終虛答。蓉城一去知難返。頭白慈顏痛倚闌。早年一抱蓼莪哀。凝叔何曾善理財。先輩俸餘非手散。小庭花滿是親栽。有情未遇傾城色。無命難消絕代才。囊底珠璣零落盡。幾行贖墨付粧臺。檢點殘編淚不收。送

巡何事上眉頭。觸來南浦春陰感。并作西窗夜雨愁。曾經南浦春陰裏。却憶西窗夜雨時。乃夫子回石梁時寄余之作也。黯澹青

燈悲照影飛。蓬綠鬢怕禁秋。傷心水閣塵封久。短竹無聲咽暮流。夫子好音每于水雲律。關中品笛徹夜不倦。

長貧潦倒減梳粧。病羽驚風倍可傷。私典衣襦供藥餌。親調口味作羹湯。背人常漬宵分淚。禱佛時焚月下香。忍視并刀痕尚在。三生短夢費思量。十七盈盈賦桔槁。八年靜好感分離。韶

光已是生前負。影事翻於痛後思。花密難栖禽並命。風高合斷樹連枝。黔婁有婦空為詠。再奠椒漿問可知。

送外觀歸葬天長作

生小離鄉作客居。廿年飽讀五車書。名場落拓桐棺返。也筭歸田賦遂初。愁雲羃歷鬱難開。鉦鼓頻催劇可哀。為問石城橋下水。如何同渡不同回。昔年雙倚小蓬窗。眉翠青山鬪畫長。此日一般同道路。寒烟慘霧斷人腸。心似冰寒淚眼枯。幾番搔首向天呼。此生誤我遲同穴。堂上衰親膝下孤。華屋生存夢未溫。荒邱遠又葬吟魂。平時傲俗知交少。誰叩西州月下門。

別墓

三尺無情土。音容思渺漫。昔時分手易。此日別君難。已忘人天隔。還憂風露寒。叮嚀休記憶。菽水自承歡。零丁兒女小。此去仗誰憐。淪落家何在。淒涼夢尚牽。青燈留獨影。紅淚泣韶年。欲別難為別。荒郊起暮烟。

春日感懷

春風醞釀百花初。一別鄉關感索居。白髮催人朝漏短。青燈課子夜窗虛。愁來得句難沽酒。貧到無炊不賣書。鍼線歷殘勤婦職。綺羅結習盡消除。

遣愁

錦瑟年華纔半過。遣愁無計奈愁何。淚凝乾土都成血。心逐冰泉不起波。願禮金經消慧業。豈真成佛証修羅。天寒倦倚蕭蕭竹。補屋牽蘿怨更多。

己丑季春歸隨園

傷心又踏舊莊樓。夢境勞勞頃刻休。泡影三生原是幻。飛花經劫自含愁。詩箋粘壁塵重拂。鍼線留箱譜再搜。觸目不勝身世感。縱多春色亦如秋。梅檀香裏懺情子。窗外韶光度隙駒。千疊翠屏遮雁斷。一奩花鏡照鸞孤。梨雲夢冷禪機活。止水心清俗慮無。為問山靈相識否。可知故我即今吾。

輓儀吉淑四妹

淚濕羅襟賦楚些。招魂愁見月痕斜。繡帷空掩人何在。腸斷庭前姊妹花。嫁衣重疊鏤金箱。辛苦年年倚綉床。祇道粧成明鏡裏。誰知早是殮時裝。翠影嵐光掩映間。一生消受六朝山。只今魂傍西湖側。月白風清自在還。纔悼鸞分鏡影孤。又看霜重委蘅蕪。傷心萬種憑誰訴。欲向泉臺問有無。

月夜偕汪仙鸞繆露筠王潤如黛華姊雙湖泛舟作

載得盟鷗侶。橫塘泛月時。烟迷山色斂。人醉櫓聲遲。風景都如昔。情懷欲寄茲。紅樓迴望

處萬樹影參差

寄吉甫弟 禧之洛中

慈烏知反哺。鳴雁自成行。人生何異鳥。骨肉天一方。有父作宦遊。十載別故鄉。有母持薪水。漸染兩鬢霜。有弟就甥館。啞啞喜弄璋。有妹髮初齊。嬉戲共尋芳。阿姊失所天。歸來侍北堂。青山如舊時。世事不可量。哀我家中落。茶蘼自甘嘗。凜冽松筠操。皎潔冰雪腸。豈無手足情。涕泣徒瞻望。記上鵲鴿原。揮手去河陽。趨庭為猶子。那辭道路長。落日暗關河。驚沙撲征裳。行行二千里。雲樹隔蒼茫。轉瞬別三載。思欲凌風翔。翥飛無羽翼。惟望整歸裝。早作百兩迎。有婦希孟光。執勤主中饋。介壽同稱觴。侍親娛膝下。永無離別傷。

遊雞籠山登曠觀亭作

風撼松濤萬壑深。秋來乘興一登臨。千家烟火亂南北。六代雲山空古今。羅綺春隨流水去。樓台影逐夕陽沈。嗚。難不警繁華夢。猶有鐘聲出樹林。

哭麟兒

玉樹連株墮一枝。枉教天付絕人資。料因薄命難培植。慘見蘭凋蕙折時。痴心屢盼汝傳經。強為開顏夢未醒。每到夜深親課讀。至今惟對一燈青。畫秋和丸願已違。朝朝贏得淚沾衣。傷心最是斜陽暝。不見攜書放學歸。

癸未秋次子香兒又殤 慈姑悲傷得疾於甲申八月辭世余焚棄筆墨已兩載矣今携幼女將返天長爰賦七古一章以誌哀痛不復計工拙也

悲憤作歌當哭。生不辰兮傷感獨。憶昔夫亡子幼孤。蕭然四壁無餘蓄。古來忠孝全其名。苟臨危難擇死生。撫孤為重盡節輕。立身大義當分明。人生百歲誰無死。俾得從夫亦幸耳。強延歲月。歷艱難。兩兒失怙。姑無子。姑無子。妾有姑。菽水承歡婦代夫。上堂吞聲不敢泣。終朝血淚相糝糊。妾無夫。兒尚有母。嫁衣曲盡供升斗。機聲軋軋和啼鳥。青燈熒熒照書牖。兒得成名妾願償。箕裘克紹將承嘗。養親教子吾事畢。義方豈博彤管彰。一朝奇禍生不測。兩兒旋化心摧抑。此身俯仰無所歸。生既不能死不得。悠悠蒼天慘慘黃泉。我生何喜。惟此愆。君不見松柏青青上凌烟。歲寒而後知節堅。行看霜磨雪鍊無窮年。

口占

風笛頻催別。離亭黯夕陽。匆匆不回顧。忍淚避高堂。

過項王卸甲處

重瞳釋甲向烏江。千古遺踪惹憤王。八載雄心空霸業。中分殘局說天亡。塞旗尚欲誇圖陣。衣錦誰看返故鄉。終見漢軍張赤幟。鴻溝東據總荒唐。

旅店題壁

離鸞別鵲太無端。薄試任衫怯。嫩寒愁剝紅蕉。心莫展。影沈絳蠟。淚初乾。故山烟樹雲中渺。舊夢
樓華鏡裏殘。辛苦年來。諳道路。寄棲何處一枝安。

曉行六合道中

筍輿出城肆。曉行雜車轂。宿霧四圍收。朝霞明倦目。喔喔荒雞啼。信信村犬逐。橋危人跡稀。樹杪
晴光綠。山脚樵負薪。溪頭農叱犢。幼不識桑麻。長焉知耕讀。滌志處羅紈。年華隨轉軸。今如參
真詮。農鐘警蕉鹿。

率女棠仙掃夫子墓作

彈指鄉關別數年。歸惟弱女拜墳前。鶯鶯冷度松楸月。倦蝶凄迷蔓草烟。人世影形悲寂寞。夜台
骨肉羨團圓。轉傷他日酬同穴。知否誰猶掃墓田。

天中後五日回隨園

烟雲無恙畫圖新。小別何堪更愴神。照眼榴花紅似淚。入門不見倚閭人。慈雲永隔痛難支。
悔煞江干返棹遲。更有勞人同抱恨。麻衣如雪泣天涯。謂吉甫受之錫堂三弟

偕淑筠管淑儀姻兩妹赴家大人署中賦此留別王玉魚弟婦

買得江頭棹。起庭雁影聯。秋心繁舊夢。別淚灑離筵。地勝餘花竹。家藏勝簡編。君原承祖訓。弟婦乃夢

樓先生
女孫 應善王林泉

金山月泊

貝闕珠宮現。渾疑蜃幻形。潮痕圍岸白。山色隔江青。月落喧津鼓。風微語塔鈴。我來停短棹。吟嘯有龍聽。

中秋夜月舟泊秦郵與璞泉廷琅受之祐兩弟淑筠淑儀兩妹各賦一詩

野岸停征棹。如臨不夜城。湖光千頃白。鏡影一輪明。綉彩痕初鍊。凝寒魄未盈。露涵銀漢淨。冰濯玉壺清。吹豈憑絃管。催猶雜鼓鈺。秋聲搖瑟瑟。鈴杵送聲聲。佳節同酬賞。新詩互和賡。清談揮短麈。豪飲吸長鯨。月自憐圓缺。人還感合分。風霜搏雁陣。雲水冷鷗盟。回首繁歸思。關心計去程。朝來潮信長。好趁片帆輕。

咏芭蕉

綠天黯黯釀成陰。移上窗紗翠色侵。小院兜螢疑扇影。夜庭敲雨擬琴音。三秋作盡淒涼意。百劫難消輾轉心。入畫供吟成鹿夢。離披牆面未堪尋。

紅葉

不共枯楊落。西風點染工。霜催三徑外。秋老一林中。豔影餘霞襯。酡顏夕照烘。御溝流水曲。有女怨題紅。

雪夜與璞泉弟同作

四回雕籠護香篝。人不溫。乾聲時撲紙。折竹屢敲門。風緊燈無量。雲裏水有痕。明朝探春信。萬樹醒梅魂。

虞美人草

甲帳歌殘化碧烟。綠花零亂舞仙。仙臨風似訴興亡。感怨綠愁紅嬌可憐。

暮春感懷

滿眼韶光花事新。故鄉又負一年春。流鶯啼濕愁紅雨。香絮飛殘幻綠蘋。堂冷管帷雲水蔽。鏡孤鸞影月無塵。官閒却好衙齋靜。連袂稱觴笑語頻。薄暝簾櫳日上遲。自研微露學臨池。詩情半是閑中得。世味都由冷處知。琴到響餘留古調。人從劫後悟殘棋。金墮縱說春如海。轉憶牛衣對泣時。在。再。年。華。隨。分。過。歸。舟。欲。買。又。躊。躇。身。如。社。燕。巢。無。定。心。較。春。聲。繫。緒。更。多。惜。別。儘。拚。書。寄。怨。澆。愁。臍。有。酒。為。波。故。人。天。末。家。山。遠。渺。渺。予。懷。悵。奈。何。檀。蒙。如。雲。撥。不。開。自。繡。貝。葉。禮。蓮。臺。生。天。豈。願。耽。離。恨。轉。劫。還。祈。少。慧。才。襟。上。香。痕。消。正。社。尊。前。蠟。淚。泣。瓊。瑰。并。沉。往。事。和。烟。散。一。寸。柔。腸。一。寸。灰。

題王小鶴詩態圖

拈出詩中能。仙心妙入微。雲霧五雜組。春織九張機。盟共閑鷗。縱神從獨鶴。飛。囊。收拾處。揮灑落珠璣。

冶城柳枝詞

花草宮宮久寂寞。香餘烟雨認南朝。城陰一帶垂垂綠。挽住秦淮早晚潮。指點征衣淚欲斑。眼
看春去與春還。無從更有金城樹。常帶啼痕遶冶山。東風陌巷畫堂空。依舊烟籠味絮庭。祇是
凝粧人異昔。長眉輸與一痕青。多情搖曳好丰姿。紅板橋頭瘦影支。還憶舊條和淚折。至今牽
恨一絲絲。隋堤漢苑幾番新。真是勞勞慣送春。風起飛花慘如雪。天涯遮斷未歸人。鏡裏年
光似水流。長條何處倚高樓。他生莫更吹香絮。又惹風飄雨泊愁。

隋園小集賞牡丹以今日良會為韻分賦拈得日子

惜花竟成愛花癖。每及花時抱吟膝。親持卮酒酌名花。不覺春風開一日。招來伴侶坐芳庭。紅酣
綠醉香雲溢。撥帷錦繡繁成堆。花影如潮沁詩魄。忽忽佳景幾番更。瞥眼韶光異今昔。瓊玕深
處錦鷗盟。醉折花枝永朝夕。百寶欄邊蝶蝶喧。一鈎新月窺瓊席。別離容易合併難。尊前人已天
涯隔。謂倚筠小芬茫茫雲樹繫愁思。指點歡場冷無迹。鏡裡樓華去不回。飄茵入溷誰相惜。願乞播
鈴為護花。東皇留駐花顏色。

晚春病起有懷史心玉璞瑩女史即寄題其離鸞集稿

藥爐烟裡百花殘。扶病無心怯倚欄。人世光陰憐去鳥。天涯同調感離鸞。年來顧我形如寄。竹外
知君影亦寒。雙鯉迢迢江水闊。石城春盡雨漫漫。綠章何處訴宮蒼。黯黯思君更斷腸。遺恨

有心銜木石。欲歸無路春。羨湯愁看身。在供殘劫。苦為親存。獨後。最是傍人相。慈藉掌珠原。自
異尋常。拈毫人盡拜。粧臺生本青蓮。具慧胎洗面。秋今惟有淚。畫眉自古不宜才。相看身世枯
桐似。愁絕詩篇束筭堆。料得難忘餘結習。水蠶心緒未全灰。惆悵江東日暮雲。作勞飛燕惜
離羣。極知遠道情逾重。憶古邦溝手乍分。加飯擬憑書兒轉。搭裳時有夢慙慙。何當剪燭哦新句
一字名香一瓣薰。

古鏡

五色鑄龍鳳。金精百鍊成。妍媸從我辨。肝胆向人明。几閱興亡劫。徒徵離合情。蟬文半殘蝕。班剝土
花生。

古劍

出匣夜吟嘯。騰蛟風雨愁。精華千古在。恩怨幾人酬。起舞悲歌激。塵滓熱血流。何當終化去。神物
首淹留。

古琴

玉軫金徽缺。離鸞別鶴哀。自來絃外趣。誰惜爨餘材。高雅和書供。清風伴鶴迴。移情臨海上。泊泊
水雲來。

古硯

一片如拳石。遺傳孰守經。蟾蜍形不易。鵲鵲眼長青。聚墨從人懶。揮毫仗爾靈。名心磨未盡。匣底尚留銘。

採蓮曲

江南女兒顏如玉。粧成當戶理清曲。女伴朝來約採蓮。蓮舟盪破烟波綠。阿儂生小住橫塘花裡。為家水作鄉。折得並頭羞顧影。嬌凝渾未識。鴛鴦雙飛復雙宿。小姑居處常幽獨。盡出纖蛾。只是憐朝朝鏡裡雙眉。雙眉。人不知。深入花叢。放蕩遲。願為花上露。莫作藕中絲。花露如珠圓不缺。藕絲祇解繫相思。相思相望不相見。生怕秋風棄紙扇。一夜蓮房結子多。明朝淚洗胭脂面。妾面蓮花嬌。妾心蓮子苦。妾面如花君愛看。妾心自苦君知否。朝暮采蓮湖水邊。蓮花灼灼葉田田。芙蓉零落秋光老。依舊湖心唱采蓮。

秋海棠用漁洋山人秋柳韻

淒絕墻陰一縷魂。秋聲如雨逼重門。漫施錦帳籠嬌影。合貯冰壺認唾痕。落葉冷堆衰草徑。疎花艷趁夕陽邨。生衣薄薄蒼苔滑。欲訴幽懷誰共論。已知弱質不禁霜。半結芙蓉悵隔塘。鈿函零星纔出匣。綠衣扈亂未歸箱。二生紅淚供情劫。一點檀心懺法王。翻笑東皇能愛惜。春餘錦繡簇成坊。嬌姿宛轉貼苔衣。環佩歸來是也非。此際秋情空繾綣。當時春夢尚依稀。閑屏露薄幽蟲咽。斷砌風纖瘦蝶飛。只莫再煩螢火照。凝粧應與舊相違。簾前搖曳信堪憐。丹粉勻敷細裊烟。

色豈媚人原冷澹。花如解語定纏綿。韶華已分輸前度。清景何堪遜往年。不合顏紅應抱恨。斷腸
名更寄誰邊。

小遊仙曲二十首

阿母相招鶴馭遲。蟠桃成熟宴瑤池。羣仙聽慣霓裳曲。又索新翻樂府詞。水瑟雲璈縹緲生。天

風吹作步虛聲。只緣貪看旋波舞。忘却騎鸞上玉京。彩鳳爭銜五色泥。醉拋綵帶幻虹霓。更聞

夢已班龍送家住。蓬萊弱水西。宴罷真妃歸九華。雲璈催碾紫鸞車。羽衣未卸風鬟驕。一朶斜簪

碧蕊花。繡襦甲帳護春膏。艷福從來未易消。歸去瓊臺同寫韻。幾生修到是文簫。絳絳香霧濕

雲屏。一縷春魂喚不醒。自慙聰明防墜劫。萬花堆裡禮金經。神仙要遇鵲填河。盼到相逢歲又過。

玉露金風等閒度。縱無別恨奈情何。霓旌羽蓋擁仙班。知是青琳獻壽還。嘗遍瑤宮花萬樹。始知

春色勝人間。踰躑鸞駕藉風扶。空裏乾坤似畫圖。手摘明星拋海面。水晶盤上走珍珠。採徧

嫦娥萬峯儲。芸香滿袖退朝初。無端受得東華錄。又向謨腸校秘書。有誰來叩白雲外。自撥水

紋坐石磯。一曲泠然空裏滴。月明珠樹鶴遲歸。一灣流水仙源隔。滿地芝香白鹿嘶。叔叔洞天無

鳥使。玉璫密札口空緘。雪膚花貌態姍姍。影落明河自愛看。璧月長圓春不老。能除煩惱即還

丹。學象青螭鈞上方。又邀買醉踏雲忙。仙家自是閒時少。誰說壺中日月長。採藥空山蘿薜

紛。呼來鸞鶴自成羣。偶拈幾瓣桃花落。下界無端認綵雲。十洲三島任情遊。偶折芙蓉近玉樓。

知有修文仙史在。等閒相見敢回頭。誰見乘風月殿來。廣寒深鎖靜無埃。青天碧海掃娥意。枉費靈樨幾度猜。春蘭秋菊隨時惜。不解炎涼上帝心。底事通明探秘譜。綠宮乞海棠陰。自栽細杏倚雲中。半種天桃映日紅。留與麝囊好顏色。要人知道有春風。未証垂鬢香界天。蕊宮來作掌花仙。殷勤為藉銀河水。好護人間九口蓮。

輓汪仙巒表嫂

昨夜西風緊。吹殘蘭蕙姿。囑姑憐弱女。教姊撫孤兒。化鶴知何日。繆鸞正此時。玉環親解贈。千里寄相思。時以指環託寄小分慘見彌留際。無言有淚痕。影孤分斷續。聲咽泣哀猿。忍割千絲愛。難消一縷魂。泉臺舊侶在。幽恨好重論。猶記盟盟日。紅闈翠袖聯。但愁雲易散。惟祝月長圓。多病辜春約。論心廢夜眠。倉山吟社冷。來歲有啼鵑。善果參彌勒。招魂藉梵音。淚因知己灑。詩作斷腸吟。人去空留鏡。香殘罷鼓琴。從今蓮步香。粧閣怕重臨。

題文姬歸漢圖

羗兵西下漢關開。載得烏支馬上回。絕代王嬙悲天去。千秋蔡女竟歸來。空憐幼子留沙漠。未忍親書墜劫灰。遺拍至今誰解按。哀茄一曲淚盈腮。

題木蘭從軍圖

市來鞍馬卸釵鈿。從此長征著玉鞭。不避紅顏心自赤。但求父免女何憐。雪山瀚海三千里。鐵甲

金戈十二年。倘使沙場埋戰骨。至今誰識是嬋娟。

至日

應律回陽候。神仙又洗頭。暖催梅意動。凍禁柳芽抽。刺繡具添線。消寒欲曲裘。悠悠無限感。刻日影難留。

夜驟雪

北風撼庭樹。疑是千人軍。黑夜下蔡州。聲亂鵝鸛羣。又疑玉龍戰。倒捲銀河濱。跳珠瓊沫墜。漫天吹續紛。古松失蒼翠。老梅孕清芬。窗外鶴迷影。簾中香罷薰。當歌何惜慨。對酒不辭醺。頽然襟被擁。身入梨花雲。

題又邨祖恩弟松陰把卷圖

瑤華示我絹一幅。展卷俄驚半窗綠。是誰貌此蒼松圖。中有觀書人似玉。長衫鶴立丰格殊。審之毋乃又邨乎。十年一別勞夢想。喜極還欲凌風呼。往者書來不如面。寄聲苦苦隔鄉縣。聞君嗜學益相憐。况有荆花同筆硯。青溪孝屋松竹研。蒼皮溜雨倉山顛。白雲無恙孤鶴眠。三株五株擎雲烟。翩翩兄弟軾轍賢。待君花裏攤瑤編。嗟予貧病百無俚。願驅蟬蠹終殘年。六松亭下寒薄舞。帳軸鬢齡讀書信。我欲披圖一記之。千霄他日定何許。

自題梨花白燕圖并序

惜花庭院。擣夢闌珊。來燕年光。故巢零落。惆悵東闌一樹。淚灑清明。羞池南國。雙飛魂消。
杜宇。空悲冷艷。無分將離。吹殘幾日東風。賸餘春之似水。蹴碎一簾晴雪。羞瘦影。恰如人。
早知紅粉成空。應許素心相對。繪水縮而寄恨。爭誇彩筆於黃室。拈好句。以織愁。殊愧清。
風於白燕。

雪艷霜臺畫絕奇。一回展玩一凝思。春原似水穠華澹。爾也如人縞素宜。入夢冷雲曾憶否。捲簾
寒影亦淒其。月明欲墮莫難覓。寫向生綃傍折枝。

晚霽

閉關三日坐新霽。愛清遊。雲脚斜陽霽。稜頭殘滴收。濕烟浮遠嶂。晴翠鎖層樓。餘潤沾芳草。蓬蓬
綠意稠。

落花

一夜知多少。飄零風雨中。漫憐歸淨土。香色本空空。

病起感懷

簾櫳寂寂書堂。語鶯啼未心懸。流水無情春自去。東風渾不管飄零。翠減紅銷。只自憐鏡

中人不似當年。維摩枉說無生法。一現優曇。即了緣。水紋彈斷賞音無。蘅芷香清。蝶夢孤悽絕。

織織新月影。當窗猶為寫眉圖。幾重幽恨上心頭。豈為傷春怕倚樓。斷盡柔腸。彈盡淚。人前還

道不知愁

頭王潤如姊天寒有鶴守梅花圖

世外冰心畫裡人。一枝香雪認前身。霜寒老屋憐同調。月冷空山結比隣。相伴只容花底鶴。就吟常抱古時春。幽情不入梨雲夢。林下輸君味獨真。

柳絮

綠陰陌巷短長橋。晴雪吹殘綠碧霄。遮莫有情人意醉。邀留無計馬蹄驕。心歸淨土春隨去。點洗塵襟淚不消。寄語落花同命薄。儘借鳳泊與鸞飄。匆匆三月好韶光。底事飛揚鎮日忙。沾硯那曾污灑白。因風豈是太顛狂。誰揉膩粉開粧鏡。自唾香絨墮繡床。燕子頻啣魚碎唾。摧殘何忍問東皇。鏤玉雕瓊奪化工。豈無才思但漫空。秋囊行帶紫迴處。色鬪梨花淺淡中。曲徑痕留雲碎細。芳塘影綴月玲瓏。託根舊是靈和殿。一落春風便不同。吹來蘭角跡分明。比玉溫柔較雪清。偶趁游絲扶最長。也隨榆莢點輕輕。繁華已過難參果。黑髮原無不繫情。畢竟飄零還有恨。欲從流水問三生。

京口

虎鬪龍爭地。南徐舊著名。橫空壓海氣。夾岸捲秋聲。雲覆金山寺。潮迴鐵甕城。中流人鼓柁。應羨片帆輕。

過揚州

望裏樓臺似畫圖。豪華如舊各心孤。生憎一道邗溝水。流盡脂香膩粉無。幾絲哀柳不禁秋。三

月烟花記昔遊。已酉與小芬心同聚於此此日重來誰省識。斜風細雨過揚州。

淮城懷古

蘆荻蕭蕭淮水寒。英雄落魄此垂竿。功成報德千金易。身賤謀生二飯難。古渡荒涼沉夕照。西風颯瑟捲狂瀾。萋萋綠遍王孫草。何處重尋舊釣灘。

楊莊八公廨送別藍頴生表姊入粵

蒲帆纜卸又征車。風撼飛沙落日斜。閩海久沉琴瑟韻。汪蓮甫姊丈宦閩中十年吳山終戀滄陽家。繁華事已

如塵冷。水雪心能絕點瑕。畫秋好申慈母志。願兒攀取上林花。語來世味總酸辛。萍梗何堪

証夙因。平載共傾知己淚。八年同作未亡人。椿庭在。我依樓隱。古道輸君閱歷真。珍重八書傳嶺

外。祝他魚雁莫嫌頻。

落葉用秋柳韻

參差榮悴總消魂。哀柳疎疎冷逼門。未逐春風捐燕影。先傳秋訊破苔痕。翻飛前北斜陽道。斑點

江南暮雨村。身世何堪悲聚散。芳華回首莫重論。纔然砧催又著霜。恰隨雁影度寒塘。乾聲捲

處攬金杯。恨字書成疊玉箱。憔悴豈真關慧業。飄零只合証空王。可憐日夕霞烘處。猶認深林錦

作坊。片片飄來點素衣。題紅刻翠事都非。燈昏孤館蟲吟切。月冷空山鳥跡稀。幽思幾多憑水
逝。秋心無那逐蓬飛。辭枝未必甘搖落。盼到成陰願已違。託根何所自生憐。掃盡纖塵欲化烟。
細雨半簾聞浙瀝。哀蟬一曲帶纏綿。誰言墜地非今日。只覺投空似首年。風木蕭條何限感。天涯
羈思款吟邊。

梅花嶺拜史閣部墓作

四鎮丘驕可奈何。軍書飛急渡淮河。孤臣自灑新亭淚。屬主猶翻玉樹歌。運應金符天馬降。江沉鐵
鎖劫灰過。衣冠遺墓精忠氣。明月梅花共不磨。

野泊

隔岸遙峰襯臨村。曲水平。鳥衝烟影直。舟帶夕陽橫。

己丑元日

歲晚悲風木。新春感不勝。甕無經宿酒。案牘隔年燈。爨較烟雲散。愁隨歲月增。桃符從例換。心似玉
壺冰。

寄贈朱級秋佩蘭女史

爭唱玲瓏絕妙詞。幾曾相見早相思。工愁似我吟都減。善病如君瘦不支。秋水襟懷能滌俗。冰蠶
心緒易牽絲。生憐忙殺珊瑚管。頌罷椒花又畫眉。

送淑儀二妹于歸秦郵作此為別

菊綻東籬桂影圓。蕭聲奏向九秋天。粧凝紅玉開鸞鏡。香擁春風啟玳筵。初試羹湯憐爾幼。親承色笑幸姑賢。慈雲永隔椿庭冷。只住金閨十五年。惆悵青鸞報吉期。相依已慣忍相離。課詩記剪二條燭。繡臂親懸五色絲。花底隨肩甥似妹。謂宗仙女窗前學綉姊兼師。雁行名次惟君幼。猶憶牽衣索菓時。在家連袂出同舟。數夜燈前訂首遊。回首故園分舊雨。關心小別屆清秋。女儀早向閑中習。婦德須從忍字求。寒暖而今勤自護。河殊往日有同儔。家風臥雪本清貧。僉簿休爭時世新。好聽雞聲催讀旦。莫從雁足盼書頻。沿堤柳色山分翠。入座湖光月瀉銀。他日瀛洲春似海。芙蓉鏡下畫眉人。

南樓晚眺

百尺高樓迥登臨。望眼迷風翻鴉陣黑。天濶暮雲低。巖巖四山合。懸龍萬木齊。疎鐘來遠寺。催月出則溪。

柳綿曲為少蘭弟作

柳綿三月飛如雪。柳色青青未堪折。艷曲誰歌金縷衣。柔條只結托根原。長舊臺臺。穉綠初勻。費剪裁。糝徑花香人醉候。春樓春暖燕飛來。乳燕飛來樓正好。穠華又被罡風掃。生隣墮溷與飄茵。那得金鈴常護保。朱門有客嘆沉淪。願贖娥眉別贈人。消得石崇珠一斛。未拈郭璞豆

三升。從今金屋深藏貯。不向豪家歌白紵。貼翠難排管燕行。拈花笑侍神仙侶。已是盈盈碧玉年。
雪膚花頰鬪鮮妍。楊枝合使櫻桃配。錦字都憑紅葉傳。鄉是溫柔人似玉。消魂那不情相屬。爭買
花鈿助艷粧。慣裁水穀為春服。刻機香塔月影低。鴛鴦翡翠總雙棲。一朝金谷繁華歇。南北東西
送馬蹄。雲散風流成轉瞬。天涯何處織芳訊。密語難將叩叩通。鍾情猶是心心印。蓬門冷落少經
過。翠減紅消幽恨多。願把金鐵供玉粒。幾曾補屋怨牽羅。回頭已是銀潢隔。廣袖還留唾華碧。宛
轉情絲枉自牽。零星舊粉無人惜。和風和雨倍可憐。靈根生小便纏綿。漫教春色隨流水。化作青
萍箇箇圓。

酷暑

難遣如年日。雲蒸火逼。薰天心非釀。暑人意要趨。炎曲院無風入。虛室有夢涼。涼廳容易至。感令
莫奇嚴。

七夕以詩牌限韻與文邨弟同作

金風玉露咽吟蟬。瓜果堆來乞巧筵。賺得人間小兒女。辦香心忍夜連眠。
清淺銀河淡蕩風旋。機不似廣寒宮。一宵重話經年別。啾啾無心聽砌蟲。

將歸天長留別諸姊妹

風輪電火感年華。唱到離歌去路賒。憔悴忍攀前度柳。飄零等作早凋花。強依猶子難為子。枉說

還家那是家。揮淚出門揮手別。一江南北即天涯。

中秋對月

纔離白下返歸舟。又見團圓鏡影浮。豈為光華甘仰面。願經風露不低頭。霓裳曲演遙天恨。丹桂花濃故國秋。回首廣寒成小謫。何時重向月中遊。

閨雁

西風瑟瑟夜窗虛。聽到征鴻淚滿裾。北去枉增秋士感。南來已斷故人書。聲驚歸夢燈昏候。影墜寒江月上初。自是天涯嗟零落。同行踪跡近何如。

秋懷三首

西南流大火。萬籟動涼颼。節候有代謝。寒暑隨更移。人生六合內。盛衰同一時。譬彼嶺上梅。分殊南北枝。南枝多垂實。北枝多離披。得氣偶然耳。乃謂造物私。陰陽具此理。奄化無迹遺。富貴胡可恃。貧賤何足悲。達者樂天真。豈為世欲羈。不見葛天民。雍熙如惠施。美人隔秋水。相思不相見。娟娟芙蓉花。娟日霞九綯。一夕被新霜。攬鏡紅顏變。殘粧無復理。芳香何由薦。良玉抱璞瑩。精金鑿百鍊。同心証久要。慎勿棄良賤。皎皎明月滿。灑灑白露晞。商聲起庭戶。秋氣入羅帷。含情拂玉軫。哀魚託金徽。自明心跡清。敢忍知音稀。一彈花欲舞。再彈風生衣。慷慨竟此曲。泣下重歎歎。安得化鶴去。華表復來歸。

和蔭軒姪秋日感懷韻

幼小春深貯碧紗。而今那復說繁華。餘生儘歷窮愁病。結習難忘詩酒花。空對雲山思故國。可能滄海泛仙槎。蓬萊咫尺歸何日。貯斷魚書淚眼賒。

營先姑裴孺人墓感賦

彼蒼生我慘何極。無子無夫身自立。姑亡六載寄他鄉。孤壠蕭蕭歸不得。摧我肝。竭我力。還葬山邱盡婦職。以頭搶地痛呼天。白日無光天失色。眼中淚。心頭血。斑爛和土沾胸臆。九原莫道不追隨。有女一零心未畢。良人十載魂其來。先我姑兮遊夜臺。兩兒隨化丞嘗絕。他年吾骨安歸哉。君不見高岡荒塚沈深坑。清明何處紙灰白。

為先姑營墓後至莊戶趙心和家作

北風捲黃沙。落日沉烟渚。一朝窳窳空。載拜薦蓬瓠。心摧血淚枯。去去愁凝睇。田家迎主人。入門色欣翠。稚子負襍囊。少婦供雞黍。結繩以作床。燃薪代為炬。老農偃偃來。垂涕向我語。昔見雙歸時。人羨神仙侶。滄桑轉瞬更。連遭劇如許。農久荷主德。倉穀薄積貯。租賦非不完。胥吏怒齟齬。溝洫非不清。水道鄰強距。年稔死陰無。外侮誰能御。聞此愈感傷。聲結氣裏沮。夫亡無遺孤。萍飄餘母女。鹿難把鋤犁。風波悲失所。浮沉肯隨世。歲月不我與。錙銖何足較。且進尊前醕。

輓小芥姊妹

鄉關迢遞感離群。又報瓊枝墮夕曛。十載雁分南北影。一朝書斷住來雲。玉臺鏡破曾傷我。紅豆花開每憶君。此日天成水隔。歌殘楚些料無聞。憶自調羹閣閣家。幾曾陌上見香車。魂歸江左

三更月。人種河陽滿縣花。文厚田妹才色向難邀。福澤聰明原易損。年華遠。知故里荆枝茂。

莫慰慈親淚眼賒。曾記邗江返櫂遲。相逢意外轉相疑。蟻杯浮綠聯新雨。蓮盃挑紅論舊時。作

婦賢名鄉里美。思親涕淚枕衾知。忽忽不盡瀕行語。從此天涯又別離。豈期一豎入膏肓。塵世

何來却死方。堂上翁姑悲奉養。膝前兒女痛扶床。晨鐘易醒繁華夢。夜柝空驚雲水鄉。慘絕笙媧難

補恨。桃花短命菊經霜。

辛卯元旦

殘臘一宵盡。春風換歲華。檐冰猶禁凍。池柳未抽芽。身世如蓬轉。家山望眼賒。不辭醞醖滿。和醉

夢梅花。

春日偶成

賣錫時節雨綿綿。綠慘紅愁又一年。喚得春歸無着處。教人怎不怨啼鴉。一寸冰心百鍊磨。非

關春恨。虞孽蝶襟懷。別有愁難洗。贏得青衫淚點多。

將至白下留別楚材補二姪

又折河橋柳。臨風絮惹衣。春隨流水去。人共落花歸。別淚沾芳草。離觴餞夕暉。阿兄憐弱妹。相對

倍依依。記回江上櫂。小住未經年。算自如浮。淡家祈似月圓。課研完賦早。刈麥薦春先。別語無

多囑持籌賴汝賢。金母至江南或數載不歸所
有遺產皆姪為之經理焉

別陰軒樹二姪

尊前別酒怕重斟。話到蒼涼淚滿襟。截髮雖虛慈母願。磨筭敢忘古人箴。燕孤那分營新壘。烏倦

猶各返故林。悟徹浮生原是缺。奮開只剩石如拳。供爾芸窗薇露研。時以
父遺硯為贈一代詩名追後

步。千秋勲業過前賢。世無古調絃難緩。家似殘棋着要先。靜夜聞雞休起舞。乘風快著祖生鞭。

湘痕閣詩稿卷上終

湘痕閣詩稿卷下

錢唐 袁嘉 柔吉

梅花

幾株香破凍雲邊。淡淡東風漠漠天。落自有聲隨笛裏。開原无意占春先。懷冰襟抱清堪擬。倚竹丰神靜可憐。一種幽情悽絕處。江南江北鎖寒烟。雪虐霜饜取次經。誰從孤嶼惜伶俜。水魂未有鶯呼起。清夢惟容鶴喚醒。曲奏商聲流水咽。琴翻雅調暮雲停。月明林下矜高格。肯共羣芳鬪尹邢。照水橫斜顧影單。竹籬茅舍自相安。仙心合抱烟霞癖。傲骨能禁冰雪寒。跡相杵臼同調少。生涯冷淡賞音難。品題只許林和靖。不耐從人熱眼看。一枝相對欲忘情。橋外巡行酒畔評。人影花痕同瘦削。詩魂月魄共孤清。空山只結松雲伴。冷渡惟邀鷗鷺盟。覆李天桃翻自幸。不曾脩到亦三生。

贈燕

未必雕梁穩。商量何處飛。新巢餘落月。故巷賸斜暉。去往身無定。依棲計總非。卷簾倍惆悵。春晚不能歸。

山行

攬衣步平岡。攀藤陟高嶺。青壁芙蓉開。翠滴松杉冷。曲澗鳴流泉。遙峯接雲影。風氣鬱蒼蒼。天風

沈氏詩集 卷一
吹猛猛。山孤落日懸。樹杪餘霞靚。宿鳥驚還飛。眠鶴閒逾靜。幽適淡名心。留連忘晝永。迤邐入烟巒。此中有佳境。

雁

衡浦風波朔漠烟。勞勞無定又經年。聽來清唳空增感。訴盡秋心亦可憐。縱惜羽毛依碧落。難傳箋字到黃泉。雪泥留得分明迹。待話浮生倍惘然。長空飛度恨漫漫。見柳凋梧未忍看。塞北却知回陣易。江南誰信托身難。三秋風雨吟聲碎。千里關山別夢殘。譜入冰絃翻怨曲。冷然仙籟不勝寒。離情寫出是耶非。迢遞天涯何處歸。失侶幾曾傷戢影。呼羣豈為羨高飛。寒依潦水眠魚泖。冷抱斜陽落釣磯。露苦風酸禁不得。江鄉還說稻粱肥。纔棲沙渚又蘆江。殘月朦朧幾點星。雲水儘能容去住。關山畢竟感飄零。心隨帆影沖烟斷。韻雜砧聲入夜聽。珍重莫從樓畔過。有人愁對一燈青。

消寒第二集

少蘭弟需次蜀中詩以寄懷

雪花如掌風漫漫。去年嚴冬祖餞闌。驪駒在門不忍發。欲別未別摧心肝。今年試官向西蜀。衝寒犯雪我眉顛。白雲凝望數千里。吁嗟行路方艱難。不惜驅車遠道走。行行一步一回首。相對振翻青雲中。澆春莫憶故園酒。故園春酒未開筵。思君那復辨盲否。男兒四海若比鄰。毋為歧路淚沾

中名場不慮无知己。虛懷雅望能傾人。吾家海內聲名著。文詞循史矜時譽。大父窮探天下山。紀詩獨少猿啼處。君官西川補壯遊。從茲詩得江山助。新詩吟成早寄余。快讀能使離懷攄。錦江冰結吳江冷。慎勿浮沈雙鯉魚。

消寒第四集擬小樂府

金谷聚

錦幃圍春風。嘉賓宴瑤席。良會苦不常。別後成陳迹。

大道曲

近游多遠憂。急足無好步。大道直如繩。去去重回顧。

有所思

之子一為別。鬱鬱惜芳時。抽刀勿能斷。環轉心上機。

作蚕絲

春蚕苦無力。朝夕自纏綿。牽來寡女絲。拈作相思絃。

玉階怨

月是閒階白。燈偏隔院紅。君恩無終極。甯敢怨秋風。

子夜變

沈氏園詩卷一
寶鏡鑿團樂。文禽慕儔。匹夜半。忽棄捐。空房弄瑤瑟。

烏夜啼

月落驚鳥起。三更忍飢啼。丹山有竹寔。緣君自悞棲。

企喻歌

孤竹生山阿。經霜猶勁節。不見道旁柳。無風腰自折。

消寒第六集

迎春曲

不鬪釵頭綵。燕新也。憑小閣。貼宜春。更誰速得東皇駕。只有梅花解傲人。選韻分題酒未闌。重
簾深處不知寒。迎春似覺春光到。飛雪漫天作絮看。柳未抽絲桃未花。春風何意到山家。但
教醞釀為霖雨。濟徧蒼生潤物華。旭日光輝素月清。如何冷暖各殊情。秋風亦自有來去。不
見郊原綵仗迎。

紫卿 綵伯姊招飲路經水雲閣舊居感賦

天桃破萼緜梅謝。江南三月春無價。阿嫂招飲疊巒筵。不辭秉燭消長夜。良夜花辰續舊遊。籃輿
道出板橋頭。板橋東有三層閣。閣外清泉合抱流。此中幽僻無塵掃。著個斯人擅文藻。司馬題橋
壯志違。安仁作賦閒居好。閒居惆悵記雙栖。三面紅窗壓水低。錦軸瑤籤簾左右。脂奩粉盞紫案東。

西青燈共讀渾忘倦相期那必長貧賤風雨偏推連理枝冰霜忍鍛孤飛燕燕子孤飛十二年身如
斷梗夢沈烟雕梁易主巢無托重過門庭倍愴然愴然水閣還依舊近水居鄰門盡覆辛卯水
災鄰屋
皆被
淹沒軒館都成瓦礫堆眉痕猶共春波皺極目蒼茫却可哀今威化鶴不重來吟魂寂寂埋幽草
野黍離離沒綠苔年來我亦忘情者到此難禁淚盈把明知蜃海幻瓊樓且向花陰傾玉笋花落
花開春復秋百年身世等浮漚東皇不管升沈恨醉倒風前自賦愁

湯太夫人吟釵圖為雨生都督題

古井無波寒泉自潔梅檀逆風奇香愈烈君不見湯太夫人心比鐵玉釵可分不可折我讀吟釵
圖似嚼太白雪憶昔鯨波起鮫穴望夫山阻海濤咽摩挲頭上釵飲恨心上血男兒死事成大
節撫孤誓學女中傑養成小鳳皇傳家繼簪笏樹欲靜兮風不寧玉釵已斷傷兒心贈從嫁日殷
勤戴寫向園中宛轉吟三覆吟釵圖撲殺淚如繩親恩欲報愧未能閃閃青燈泣孤影釵分釵斷
知何恨起居八座人爭羨遙知傳唱繡弓衣音徽歷歷披圖見噫嘻序此圖不朽釵更堅吉金
樂石壽億年

淑筠二妹于歸方氏逾兩月矣余時有石梁之行賦此以寄

同懷姊妹憐君小知點相兼尤空窈窕擇婿頻年未得人掄才底事參軍少東鄰有兒豪貴家輕表
肥馬矜繁華西鄰富賈倉穀朽持籌握算為天涯爭遣冰人來問字廉吏家無溫飽志富貴浮

雲不足誇。因緣自在何勞議。失恃盈盈未長成。迢遙官閣倚靈樞。傷心又抱終天恨。青眼誰憐掌
上身。阿兄遠遊妙返室。朝夕相依心迹密。六載同譜冷暖情。一窗共惜春秋日。春鷓秋蟀易昏朝。
蘭蕙含英色。轉饒君子有心求。淑女彩鸞應合待。文蕭一朝邂逅傳雙鯉。伯氏故交名父子。親
挽紅絲續斷絃。自投東閣通媒使。絲羅欲締議經旬。生恐明珠棄暗塵。小第登堂申信約。謂又阿
須違眾主婚姻。良緣信是三生足。六禮家貧慚報稱。壓繡何辭午夜勞。添妝不惜傾囊贈。卜吉
秋期百兩將。笙簧合奏朵雲翔。試看彩筆生花艷。已兆春風及第祥。螺痕深淺眉新掃。瑟叶琴和
誇靜好。學禮新看鴻業齊。勤功代聽雞聲早。好向慈幃侍起居。于歸却與在家殊。未諧井臼慚賢
婦。替試羹湯無小姑。雁行一夕輕分袂。寒暖誰調仗夫婿。但祝同心形影憐。更期努力簪纓繼。
春花長艷月長圓。回首閨中廿四年。問字牕前聞响屐。探梅閣外記隨肩。明知不是天涯別。賦
到日歸心轉切。我亦將辭白下山。扁舟獨往衝風雪。歲暮天寒離緒紛。平安盼斷隔江雲。來年陌
上花開日。聯袖同遊再把君。

晚行石梁道中大雪迷失路徑僕人皆驚相對無策忽思古有老馬知途之語即命驢前人
後始得路至邨店宿時已三鼓作此以紀

天寒歲云暮。飢驅感離別。江北異江南。水堅草枯折。剖面風刀尖。戰手紋皴裂。亂山堆瑣瑤。恍入
水晶窟。溝渠邈不分。板橋人迹滅。輿者防墜冰。舉足有羈絆。巡行古塚旁。疑鬼弄狡譎。幼女驚呼

號童僕形僵絕。飢腸鳴若雷。敝裘冷似鐵。俛仰中心悲。迷津誰指說。疲驢幸知返。踏凍蹄顛蹶。三更叩茅店。入門解腸結。衣衣吹霜新。禦寒沾麴糵。感彼處深閨。錦幕重施列。酣歌酒千尊。擊鉢宵吟傲。真知道路難。長夜衝風雪。

消寒第四集同賦

尋梅

竹外橋頭輟轉思。東風消息尚遲遲。踏殘古徑雪深處。吟到空山月上時。臨水啁啾聞翠羽。隔籬曲折見疏枝。往來誰識高人迹。只有林邊野鶴知。

折梅

繞屋千株與萬株。難勝揀擇認模糊。不辭出手寒逾峭。轉惜離根影太孤。風笛淒清翻怨曲。燈窗黯澹寫新圖。山中春好摩挲嘆。欲寄相思驛使無。

問梅

底事含霜凍玉斂。謫來孤嶼亦無塵。前身是否為明月。入世緣何抱古春。翠袖天寒應倚竹。紅羅香艷漫驕人。北枝原比南枝冷。爭怨東皇剪不勻。

畫梅

點筆春生處士家。托根幸不藉泥沙。橫斜繪影偏宜月。冷淡傳神也著花。紙帳幻來雲落寶。銀屏皴出玉杈枒。更誰幾辦胭脂染。九九圖中燦若霞。

沈氏詩集卷一
消寒第五集同賦

唐宮水著歌擬梅村體

沈沈魚鑰千門鎖。霓裳舞罷雲鬟鞵。羯鼓催開頃刻花。瓊葩瑤蕊隨風墮。風狂凍合上林枝。清雷無聲點滴遲。璇閣幾重垂翠幄。晶簾一桁挂參差。華奴冷發纖纖指。嬌態博得天顏喜。卯酒登同琥珀杯。辛盤薦共琉璃匕。椒殿光凝晃素波。芙蓉帳外嫩寒多。相公漫進千秋鑑。天子新翻得寶歌。仙樂飄揚朝侍宴。承恩並輦人爭羨。民幣軍儲不藉籌。昇平時久荒于倦。一朝鼙鼓動漁陽。失守潼關虜勢猖。四野烽烟來警報。五更昏黑走倉皇。馬嵬坡外喧聲逼。誅錯為名罪傾國。割愛匆匆謝六軍。究竟君王非重色。盟誓如水見日消。粉痕泣露界雙條。明眉皓齒歸黃土。夜月梨花瀟冷潮。烏道縈紆腸九折。哀猿啼處風淒瑟。詔傳靈武靖烟塵。收復神京重返蹕。南內歸來宿草生。權移事去可憐情。傷心秋雨淋鈴夜。猶似敲瓊夏玉聲。

消寒第六集同賦

臥雪

積玉山中滿。高人樂自耽。柴門無剝啄。紙帳任沈酣。風緊號窗北。花飛凍硯南。蒼茫圖一幅。眠去好幽探。

聽雪

郭索疑行鱉，推簾看又無。聲如來玉宇，影似浸冰壺。掃徑書燈暗，敲蓬客夢孤。寒江人罷釣，靜夜响荒蒲。

笑雪

枉上豐年兆，益知稼穡艱。如銀難濟世，聚米不成山。太覺寒溫判，都因厚薄間。未能作霖雨，奚似白雲閒。

淪雪

性愛餐甜味，呼童掃竹邊。空庭敲石火，深院裊茶烟。香共梅花嚼，清同柏葉煎。詩腸寒似水，得句快于仙。

消寒第七集分賦

博浪椎

六國滅嬴秦，強志復韓。張子房散盡資財，募死士一擊不中，去鄉里任爾天下大搜獲，不能得彈丸。下邳能隱匿，嗚乎力士椎荆軻刀。祖龍凶暴皆辛逃，不待項羽一炬阿房焦。已見絕秦滅秦來，趙高。

垓下歎

刁斗光寒星沈水，四面楚歌聲不止。丈夫末路竟如此，雄心猶復拔劍起。慷慨歌虞兮，和舞啼痕多。

沈氏隱言和
卷一
五
大王意盡輕山河賤妾生存奈若何

牧羝曲

去日生人作死別。龍頭流水同。嗚咽水中照見征夫行。蒙砧夢斷胡天月。胡天月黑鵝鷓啼。荒涼海岸陰雲迷。羶食酪漿渴不飲。宮廬毳帳風淒淒。臣嚙雪。臣牧羝。臣節巍巍山岳齊。生妻去帷老母死。仗節歸來見天子。臣心依舊清如水。壁完馬齒加長矣。噫嘻乎。歸不食邑萬戶。封列侯。李陵終為沙漠留。

墜樓詞

不惜滿斛珠。但惜一名花。金谷園中歌舞盛。珊瑚七尺矜豪華。何物孫秀利財色。心慕美人求不得。一朝禍起詔收崇。美人宛轉啼春風。已為悅己容。當為知己死。妾請以身報君子。樓頭紅濺胭脂水。花落無聲扶不起。

昌宗表

六郎顏色比花妍。羽衣跨鶴翩若仙。宮中效作貫魚寵。南衙不操阿衡權。一朝忤相意。相公視之如奴隸。直言面納。幸臣心庇。和解無方。賜局戲名。臣佞倖坐兩頭。金輪天子親典籌。勝敗須臾隨道長。御前褫去千金裘。臣有狄宰臣。佞無朱虛佞。懼服諸呂。終安劉。想見太宗當年褻裘至。龍章日表驚無儔。手揮天戈定九州。生兒不幸如豚犬。刑化由來隨教淺。開元圖治無幾時。又見楊家

兄妹亂徽典

消寒第八集分賦

面具

五色窮殊相。真形巧掩藏。顏難分喜怒。舌尚吐鋒芒。昏夜朱門乞。清時水閣粧。知君終有醜。暫假亦何妨。

鐵球

漫道供遊戲。渾緣鍛鍊成。登場誇捷足。擲地笑無聲。稜角磨來盡。甌史陷處平。只憑人力轉。空具骨錚錄。

初春有懷倉山諸姊妹

記誦江淹賦。河橋柳又新。年華隨逝水。身世感勞薪。憔悴風霜色。睽違手足親。南來元驛使。誰贈一枝春。爭怪世風薄。都因歉歲多。濃陰寒吐繭。久雨冷妨禾。意淡全忘酒。情孤欲廢歌。故人言笑隔。極目遡關河。

寄和黛華潤如四絕

惜別還歌行路難。北風獵獵雪漫漫。當筵一洒知音淚。古調從今不再彈。憶別冷灰殘燻自祭。詩清寒風味只如斯。縱然盼得春光轉。已是鐘鳴漏盡時。除夕 利市占來說歲豐。屠蘇飲罷醉

沈氏詩集 卷一
六
顏紅漸衰士女知多少。若個真能度厄中。元旦 燈光月色鬪嬋娟。令節家家廠玳筵。我獨閉門

清似水。任他兒女祝團圓。元宵

春陰

漠漠冥冥晝可憐。作晴弄暝養花天。人疑中酒過三月。春似凝愁又一年。壓岫如雲貪驟雨。暮庭香霧不成烟。綠章誰向通明乞。護取新紅曲檻邊。

閒中

解識閒中趣。渾忘歲月長。削蒲聊代筆。剪艾戲為囊。滌硯承檐溜。翻書借穴光。晚來新浴罷。紋扇自招涼。

酷暑不寐

枯坐萬籟寂。僵如入定僧。獨吟不成寐。開軒苦鬱蒸。展簟石作床。映階螢為燈。扇揮腕欲脫。炎颶良可憎。啞膚惡白鳥。止棘驅青蠅。畏月如畏日。凝露疑凝水。耳聞更鼓絕。漸覺微涼增。煩襟一時滌。凌風參上乘。

七夕寄懷王潤如姊

鵲橋今夜渡雲軒。銀漢迢迢玉露零。自是離愁担不盡。花前私誓那曾聽。一夕相逢可奈何。相思朝暮隔銀河。姮娥獨處無離別。應笑雙星此會多。碧海紅塵百劫哀。幾人濃福稱清才。須

知生小聰明，莫向天孫乞巧來。
羅衣涼逼漏將殘，中酒慵怯倚闌料。
得月斜風靜候有人一
樣感駢鸞。

秋日寄淑筠妹

自別江干喚奈何，詩情酒思漸消磨。

家如風絮博來少。

吉甫容都中受之錫堂在豫淑儀于歸素江師霓裳王靜儀兩弟婦儀吉妹並下世

人似霜花落處多。馴鶴有心栖枳棘，幽禽無分老松蘿。
交涼閱盡愁耽盡，一任年華委逝波。
記從含淚送香車，不待重歌陌上花。
江岸孤帆衝雪挂，園林好景入春賒。
神仙眷是劉樊侶，闕闕門原王謝家。
但祝平安脩竹報，森森玉樹長蘭芽。
片語傳來却可憐，一灣銀漢限情天。
蕉心百折愁難展，蠟淚千行怨莫蠲。
掩鏡怕窺人似玉，推簾偷拜月如弦。
因何纔露團圓影，便咏班姬紈扇篇。
辦香我欲證瞿曇，絮果還從靜境參。
白壁未沈盟尚在，明珠已誤意何堪。
十年失恃牢愁共，一載分襟別恨耽。
惆悵秋風秋雨裏，心隨雁足到江南。

附和作

南浦春深感綠波，白門秋柳又婆娑。
本無舊恨題紅葉，不遣新愁上翠蛾。
粧閣重回花月冷，關河遙隔別情多。
碧雲紅樹家山遠，莫更臨風唱懊歌。
自悲風木不相離，淺煖輕寒賴護持。

勺約香醅停繡早，海棠春嬾卷簾遲。
怕違儀範親教禮，為惜慙知更課詩。
最是青鸞來報喜，累君心力盡斯時。
于歸賦罷聽雞鳴，碧玉奩開鏡影明。
當世聲華雲水潔，一家眷屬雪

沈氏詩集卷一
梅清。隔帷臆膊敲聞子。對案伊唔伴短檠。未必畫眉輸采筆。紅絲怎敢怨三生。不因憔悴感乘鸞。唯祝秋風振羽翰。烈日不妨花並蒂。閒雲終礙月團圓。茶烟滿院翻書嬾。雁影橫天寄怨難。但囑重回江上榭。西窗剪燭話更闌。

接黛華大姊手書詩以慰之

秋氣肅平原。繁霜下庭樹。錯燧已改火。倏又歲云暮。故人遺我書。着着遠懷顧。上言新水憂。下言別離苦。山居絕塵囂。貧如抱沈痼。援手良醫無。惴惴日憂怖。李子敝衣裘。尚作登樓賦。屈蠶有伸時。豈被詩書誤。盛代重儒冠。濁世矜紉袴。臨淵莫羨魚。守株還待兔。年命委輕塵。榮華比朝露。緬懷母相志。心同金石固。

秋郊展墓

蔓草荒烟裏。蕭蕭孤壠寒。未成狐兔穴。已作荻蘆灘。浪原卷頭白。霞烘嶺外丹。紙灰淒化蝶。鏡影感分鸞。載拜腸空斷。吞聲意更酸。人天今永隔。骨肉昔傷殘。却憐雙雁逝。應知百恨攢。零丁遺女弱。飄泊剩妻單。古道艱辛歷。浮家去住難。熱腸憑寄托。冷眼任相看。傲物才于忌。脩名志不彈。身非嗟乞食。世每起驚湍。滌血經年盡。捫心此夜安。貞心松有節。枯善井無瀾。雨雪推顏色。風霜鍛羽翰。只餘千點淚。洒向墓門乾。

落葉十首次何浣碧佩玉女史原韻

扁舟一棹別江邊。家在江南思渺然。玉露凋殘金粉地。西風吹老碧雲天。沈寥人並芙蓉晚。蕭瑟
聲來蟋蟀先。莫更登樓愁望遠。平原漠漠卷荒烟。乍染霜華綠已稀。山空時逐亂雲飛。高人只

許題為句。上古虛傳製作衣。滿地黃堆遊獵罷。一肩紅壓晚樵歸。蕭疎極目堪惆悵。蒲柳荒寒草

不肥。參到榮枯幾度驚。三春烟景那忘情。經秋怕譜哀蟬曲。入夜愁隨斷雁聲。飄飄豈因和露

重。翻飛轉得御風輕。無端為作歸根計。蟻食蟲書怨怎平。纔聞撼撼又蕭蕭。流水聲中度板橋。

梵岸卷風攪杖藜。空庭戰雨敗芭蕉。山橫睡態猶容寫。霞洗殘妝未易描。記得綠陰如海外。離魂

曾為黯然消。年年搖落古牆陰。無復當窗黛色侵。寂寞憑誰書恨字。飄零何處訴秋心。聲沈孤

館留寒淺。人在重簾被酒深。轉綠回黃違素願。感來物候總蕭森。高下翩翻自舞風。故林終戀

漫投空。寒敲石砌痕無艷。冷逼燈窗暈不紅。歸夢驚回砧杵外。吟魂攪碎井梧中。怒濤聲裏攤書

坐。人似荒原繫短篷。夕陽古道卷征沙。脫盡千林望眼賒。淺沒山腰藏兔窟。疎籠屋角露漁家。

韶光總有回春令。枯木難開得意花。竹院風停如水靜。閒敲石火自烹茶。洞庭波冷正紛紛。傾

耳狂飈到處聞。鵲占高柯憑露頂。滕敷老幹勢纏筋。早衰心似沾泥絮。不定身同出岫雲。多少青

衫憔悴客天涯。飄泊亦如君。白雲寺古襯還山。掃徑無人鶴守關。巖壑可依非隱退。干霄難上

自迴還。印穿屐齒留吟迹。點破苔衣補蘚斑。隨着寒波流不盡。隔畦一道認彎環。湘簾卷處便

生愁。幾片潛飛入小樓。未必才人皆抱恨。縱非遷客亦悲秋。閒邀冷月松間照。飽聽乾風石畔搜。

尚有瓊林根本在不須顧影感疏稠

題陶雲汀宮保印心石屋圖

衡岳鍾靈地微祥文運開清宗五柳庭古蔭三槐報國雄才展趨朝禁漏催奎章親捧得衣錦故鄉來重認傳經處山圍水一泓恩邀盤石重心印楚江清瑞彩凝丹壁祥雲接玉京指南回斗柄中有福星明又返湘江棹昇平答盛時潮聲喧鼓吹樹影接旂旂霖雨民生望陽春草木知兩江重駐節日月照無私虛懷傾海內東閣每延賓經濟千秋重琴書四座春他時勳舊傳此日股肱臣盛事徵圖畫烟雲萬象新

題同心並蒂蘭圖

英皇並駕涉湘江澤畔行吟影亦雙欲采靡無香夢遶一簾花氣夜開窗空谷深居臭味同珠聯璧合倚東風幽人護惜騷人賞繪取春光入畫中

挽淑筠妹

又悼荆枝折錫堂三弟先傷心涕淚連家門半中落骨肉幾生全運厄難逃劫時違欲問天豈真

吾薄命至誤爾良緣玉是藍田種絲由錦幔牽子歸殊草草遺恨更綿綿花未裁連理人原稱比

肩綵鸞空舞鏡青鳥別銜棧石闕甘緘默冰紉怕棄捐情如霜後菊身是火中蓮已下姑嫜拜都

誇婦道賢羹湯諧食譜燈火伴吟瓊堂上離歌促江頭落日懸烏私終眷戀蟾影不團圓憔悴眉

凝黛淒涼淚洗鉛書傳其雨怨詩誦谷風篇喜遂刀環願方調琴瑟絃結禡雖兩戴舉業未經年
纔咏回心院旋翻長恨編投懷徵玉燕臥病泣秋蟬約裏粧台畔衣添繡榻邊慈悲空禱佛愴惻
欲飛仙囑姊腸如折規夫意更煎算表須克紹襁褓要垂憐漫感珠沈海重求錦續弦夢于今日
醒緣向再生聯酸語吞猶咽知魂斷不延空房餘墜鳥畫閣賸遺鈿嗟我歸來晚悲君化去先一
朝成永訣萬悔莫懲愆往事都陳迹前因倍惘然可憐心上血只洒壙頭烟

附絕命詩

袁管 淑筠

認漫長眠作短眠湯能續命莫回天纏綿忍割三生愛宛轉難忘兩戴憐鸞鏡重圓知有日燕
釵再合料無緣悟來事事都成幻辛苦人間廿六年也曾身入綺羅叢敢道鍼神奪化工
壓綫每因誰刺鳳畫眉枉說婿乘龍陌頭春好愁難洗鏡裡人歸曲又終如此緣慳消不
得可憐塵夢太匆匆絲兒魂斷不禁扶月下重回事有無信道浮生原縹緲豈真返迹更
糝糊枉拋心力難酬姊欲盡劬勞更囑姑寒要添衣飢擇食床頭有子泣呱呱 早悲怙
恃失晨昏泉下追償烏哺恩此後粧台餘手澤從今衾枕斷啼痕鷓鴣冷落羣難續雁陣分
飛夢不溫他日青山埋瘦骨淒風苦雨莫招魂

乙未仲冬于揚州寓齋讀何浣碧女史藕香館詩即題四律于後並以贈之

天付璇閨筆一枝書來濃淡總相宜清如鸞鶴吟烟際壯似蛟龍戰雨時揮洒都成名士習風華

不諳女郎詞。玉台韻事人爭羨。福慧雙脩管仲姬。十年珠海小勾留。蘭姊瓊媛共唱酬。月暈疎
 窗宵煮茗。花圍明鏡曉梳頭。剪裁春織鮫人錦。泛溢潮回蜃女舟。脩到三生如弄玉。謫居猶得住
 秦樓。聞說雲軒降彩鸞。子歸還作掌珠看。綺羅自卸辭親易。井臼能操作婦難。頌到椒花心悵
 惘。歌來渭水思瀾漫。畫眉人遠珊瑚凍。翠袖天寒怯倚欄。文字交于識面先。謂有梅花落葉諸和作靈山
 香火有前緣。烟花豈是來三月。珠玉分明落九天。臥雪我真如野鶴。吟梅君恰稱癡仙。驪壇若許
 盟鷗鷺。願搯薔薇露共研。

白雁四首用藕香館集中韻

敢把霜翎比鳳毛。玉關飛度閃弓刀。懷冰自擬心清潔。犯雪何辭道路勞。影挾空江孤月墮。聲沈
 大漠萬峯高。飄零入海如寒士。青眼誰憐敝緇袍。曉餐玉露晚依霞。落拓關山未有家。橫塞秋
 痕清似水。倚樓人影淡于花。零星已斷雲邊陣。歷亂難搏爪上沙。皎皎一繩明鏡裏。輸他烏鵲傍
 檣牙。天涯同調孰憐君。野鷺閒鷗每共羣。避嫩疑霏天外雪。傳書如帶隴頭雲。飛臨秋水神堪
 擬。栖入蘆花影不分。玉柱音哀休再鼓。夜庭涼月照紛紛。凌空健翮總難攀。縞袂還同鶴駕驅。
 冒雨相呼迷野岸。衝烟欲下映明湖。幾行淡粉皴來未。一點秋情寫出無。辛辛年年霜滿背。心寒
 止水寄荒蒲。

題靈根上人僧歸夜船月圖

勤破滄桑幻。非乘萬里風。孤帆天地外。一鉢水雲中。塔影撐霄漢。江聲浮太空。亂烟殘月裏。歸棹識生公。

戊戌孟冬熊之霞夫人見訪適女病危未及出晤夫人以詩集儀物見遺而去感賦二律以謝

蓮輿忽訝降山中。聞說新來境亦同。皖水魂歸猿鶴冷。巴山淚染杜鵑紅。新夫人詩篇自是名家派

襟抱咸推俠士風。多少青雲飛倦鶻。幾從世外訪孤鴻。謝庭一面荷相憐。夫人乃熊藕頤先生之

于會中一晤後夫人隨夫宦蜀遂不復通音問焉 僂指于今廿五年。惜別竟在夢夢想。論文文字有因緣。人如離菊經霜

淡。心比江梅耐雪堅。此後更添知己感。辦香常奉玉台前。

哭女十首并題月廊香夢圖

風雪蒼茫裏。沈瀾兩淚揮。問兒何太忍。舍我竟安歸。斷枕餘鴉血。空床賸蛻衣。爾生不識父。女為遺腹

生 此去轉相依。一自歌黃鵠。知留待死身。豈无禽犢愛。况是婦人仁。撫疾親調藥。加餐自爨

薪。羽毛都不振。哺餵枉艱辛。幼小常憐汝。離根作泛萍。春帆南北渡。雪驛短長亭。已碎庭前五

思。留曙後星。依然餘子影。舊路怕重經。猶憶垂髫日。嬉遊輟女紅。繡書時向月。擲笛愛臨風。花

艷簪常滿粧。新樣不同。玉臺空自下。回首惜匆匆。女年十三已字淮安蕭氏 少長能更事。愁絲似繭繁。熱腸

輕末俗。冷眼閱人情。有母依朝夕。無家鮮弟兄。傷心椿蔭失。言念涕縱橫。為抱炎涼感。生悲骨

月離長貧歡笑減多病暑寒欺脩短原知數因循敢怨醫烈風偏殺草又是斷腸時 半載依床
 席終朝伴葯爐慰余猶強飯禱佛枉跣跡調護心神瘁相看淚眼枯時壽身後計寒食紙錢無
 曠母休為念牽衣日幾回未能酬罔極空自泣瓊瑰埋骨家山遠依人風木哀死生歸不得銜恨
 到泉臺 撒手從今了傷心十八年聲猶疑在耳髮尚記披肩忽忽形離影淒淒夢化烟覆巢無
 賸卵何術可回天 冷落衡無徑蕭疏宿草寒碣封三尺短土掩一杯乾夜月歸魂香春風繪影
 難忘言消息在榮落太無端余夢折海棠而生女戊戌冬復夢海棠一樹風吹殆盡女即于是月化去

題汪晚芬夫人秋江送別圖即次原韻

謝家道蘊綺羅身石火光中證佛因人可勝天傳本誤才能妨命信原真驚鴻影瘦窺卷鏡別鵲
 歌淒動麴塵我悵緣慳遲失面每臨秋水想丰神 心同冰雪冷難溫倚竹蕭蕭日又昏半壁螢
 聲紫斷夢一簾花影愴離魂填平怨海愁無極補到情天恨莫論薄命有人尤較勝兩行斑竹認
 啼痕 玉臺人去不勝愁駒隙光陰小逗遛思苦渾疑聲有淚調高應惜唱無酬角聲斷續和雲
 散帆影糝糊共雨收添與年時行役感西風日夕下羊牛 風笛聲中別淚潸石城回首杳茫間
 衰烟凍鎖江邊柳殘月寒凝樹外山明鏡孤鸞吟昔昔蓬牕小鳳誦關關湘雲湘水增惆悵輸與
 閒鷗自住還

題師震裳女史梅邊讀易圖

香雪堆前一卷持。吉祥占事象坤儀。玩辭恍入春風座。却是巡檐索笑時。
影橫斜鶴在陰脩。到清才濃福稱如蘭。臭味印同心。
春深金谷靜調琴。疏

題朱貞女頌伽禮佛圖

幽蘭推風雨。貞松凌霜雪。惟憂雖不同。數奇無殊別。我賦黃鸝詞。展卷添悲咽。朱氏有三女。令嫻超儕列。淑慧曷昆季。婉順娛親側。擇婿如右軍。謂是雲中鵲。方期百兩迎。何圖比翼折。母兄秘不聞。一載情方泄。淚從此日枯。緣已今生絕。魂遠難追隨。心死腸猶烈。金石志彌堅。自勵共姜節。凡友母復慈。相依終歲月。身世證瞿曇。妝閣為禪窟。樹古抱冬心。藤枯斷紫結。妙諦覺金編。元理參真訣。淨業了三生。清名傳不滅。

題唐孝女梅花仙館圖

不信梅花落。高堂夢境真。樓台仙子宅。風雪藐姑神。擲笛沈哀响。披圖愴夙因。至今羅袖底。如見臂痕新。

送別阮塗亭廣文赴任潤州即次其留別江南士子原韻四首

三秋鷓鴣早蜚聲。兩晉傳家有令名。槐舍春風芹泮雨。一時桃李遍江城。機聲軋軋和書聲。合

室怡然那計名。咏到翩翩蝴蝶句。有誰五字敵長城。一載曾聞夜讀聲。同開絳帳敢齊名。亦于

前嶺轉梁公寓齋課讀女公子。耽吟我自慚家學也。向春風唱渭城。此去重聽振鐸聲。幽探北固好題名。待看

喬木鶯遷喜來種江南花滿城

題張孟緄縉英夫人澹菊軒詩集

花骨裁成幼婦詞。清才想見澹于斯。鯉庭學授級緘候。鴻案眉齊待漏時。搔首碧雲天末感。懷人春草夢中詩。吳門烟柳燕台月。吟瘦蘭闈筆一枝。

祝侯青甫雲松先生八十壽

珠玉鐫成百壽篇。條桑時候養花天。筵開八秩圍絲竹。名著千秋播管絃。上客稱觴皆後輩。佳兒

扶杖正英年。名圃勝名閣根香環勝名閣蓬萊境。着個詩人李謫仙。歸畊豈為薄功名。為好樓居適性情。六

代山於窗隙見。四時春向筆尖生。林泉自結耆英社。鄉里常邀月旦評。紙閣蘆簾凝望處。女星長

傍歲星明。詩花補竹賦閒身。歲月渾忘作隱淪。詩酒陶融仙骨格。烟雲供養鶴精神。清談揮麈

時驚坐。雅抱題襟慣買春。贏得奇文誇宅相。杖朝還是杖鄉人。先生令甥梅伯言為作壽序老畫蛾眉尚入

時貧猶好客性相宜。曾蒙倒屣迎王粲。謂家海秋姪孫見說通門許左思。謂竹畦兄山水愛翻新畫稿。風花常

撚舊吟。琵琶閣中慚和陽春曲。遙奏雲璈晉壽卮。

湘痕閣詩稿卷下終

湘痕閣詞序

人比黃花。久播新聲於漱玉屏。移粉月。近傳雅製於生香。是知綠鬢詞媛。每多哀怨。朱顏學士。不少牢愁。豈真造物忌才。慧難兼福。畢竟聰明有種。文足彰名。元乎鸞原鳳族。捺發蘭枝。疏靈珠於碧海。孕仙李於瑤根。居有隨園。雅擅蓬壺之勝。學承捧水。快分椿蔭之榮。門草蘭庭。朝翻翠帙。評花小榭。夕按鸞笙。疏雨微雲。結社而頻栽蕉葉。紅情綠意。拈題而細咏蓮花。滴粉研脂。姊啗妹和。引宮刻徵。填奏虎隨。斯真萃風雅於一門。抗逸情於千古。迨夫耦偕蕭史。曲譜同心。書會秦嘉。情深連理。對江流之浩渺。飄落天長。吟竹影之檀欒。夢憐春短。一痕新月。寫眉嫵於妝台。十樣行波。耀釵光於硯匣。是以鮫囊多綴玉之篇。鴻案有聯珠之什。及其寶鏡分鸞。瑤琴別鶴。已悲才影。更悼孤雛。聽夜雨之啼鶻。青燈明滅。咏春風之貞燕。紅縷依稀。縵到蠶絲。偏抽獸網。焚殘狼麝。虛曷管烟。宜其商聲一片。都從紙上飛來。血淚千行。盡向臺端灑去。善實才同畫虎。酷愛詩謁。性似痴蠅。惟耽圖史。紅塵十丈。愧溥宦之羈栖。白雪一編。喜新詞之瀟灑。數言弁首。貽笑披榛。千里傾心。聊云投李。看此日集刊文梓。爭傳壺內金全。待他年徑踏烟蘿。故訪閣中白石。

道光甲辰六月朔日同里湘佩沈善寶拜撰

卷之二

湘痕閣詞稿

錢塘袁嘉 采吉

東風齊着力

花朝倉山即事與曼華潤如紫卿小芬儀吉諸姊妹同賦

淡雨濃晴。輕寒淺燠。最惜今朝。東風着意。柳外畫橋招。誰遣當筵翠袖歌喉。轉一串珠拋。時有金

蕊香等四校書在園名園好。花羞頰暈。峰妬眉嬌。撲蝶鎮相邀。莎徑裡。經過幾曲溪橋。二分春色。芳訊

望迢迢。悄聽雙鬟低祝。背人處。紅玉頻澆。嶺山外。一聲短竹。香雪爭飄。

瑤池燕

題車子尊姊文玉台春影圖

雙棲安穩。簾櫳靜。不信絮零花落。成陣湘波映。和香帶粉春脚定。別春魂。添與春恨。寄春訊。呢

喃訴向誰聽。春難問。巢泥舊印重憑認。

踏莎行

春暮

燕翦裁紅鶯梭織綺。困入天氣重。門閉閒愁未許上眉彎。低徊又省當年事。鸞鏡慵窺。雀屏倦

倚。沈沈屏押簾垂地。漫將心事訴東風。東風不管春憔悴。

祝英臺近

惜花與黛華紫卿同作

燦雲霞。堆錦綉。春色十分滿。蝶倦蜂癡。香護一簾暖。生憎銀竹宵沈。遮留無計。早又見落紅零亂。意何限。憐伊半面粧殘。倦凭曲欄畔。惆悵東君底事。去難返。醉花牒有金樽。肯人低祝。盼來歲蕊宮重豔。

摸魚子

青溪春泛

趁新晴。蘭橈買得。載將三兩鷗侶。艷陽春好。同尋徧。幾曲柳汀花隴。凝望處。指一角蒼茫。綠到江南樹。逡巡小住。問長板橋頭。誰歌桃葉。雙漿晚來渡。初弦夜。月子彎環如許。有人眉樣爭妬。羊燈影。浸波心。靚宵起。層層宵霧。聽俊語。道吹袂風輕。漫逐歸潮去。那時重聚。待團扇。招涼藕花香裡。細認甚遊路。

清平樂

山居

綠陰圍抱。結屋茅廬小。僻徑幽深塵不到。合伴竹爐茶竈。山巒雲氣霏微。飄來冷翠沾衣。鎮日閒情吟嘯。此中人已忘機。

瑤臺第二層

登江光一綫閣

輕扣禪關穿曲徑。登臨入翠微。石欄凭暖竹筇支。冷望眼迷離。亂峯疊處。擁黛螺一綫。江圍片帆
穩。嘆浮漚身世。名利生機。誰知有人閑眺。感今弔古。獨依依。三春煙雨。樓台縹緲。花草芳菲。六
朝餘勝迹。半竹與蘭若。緇衣悵歸時。已低封暮靄。遠挂斜暉。

欄干萬里心

春閨

輕寒料峭雨連纖。一縷春愁似水添。瘦到腰圍亦自嫌。意慳慳。滿院飛花不捲簾。

如夢令

午睡

壓枕衫痕紅皺。春困濃如中酒。無夢到蓬西。又被鶯兒輕咒。長晝長晝。難遣落花時候。

喝火令

寄懷汪瓊芝蘭似兩姊

風撼鶯兒夢。香酣鳳子魂。獨來花底立黃昏。回憶十年前事。何處証蘭因。社已消陰澤。襟猶沈
酒痕。歡場易散怕重論。一樣園林一樣可憐春。一樣海棠陰裡。不是舊時人。

五福降中天

壽汪紫珊姑丈

玳筵開處星躔朗。梧桐閨年堪紀。雲自無心。春原有脚。真箇隱遠兼仕。偷聲減字。聽柳膩秦酥。玉田新製。文酒風流。江南江北。豔傾耳。荷香吹滿衣袖。正園開綠淨。觴泛紅醴。鶴羨頻輸。蚌珠看孕。慶溢金張門第。壯椿陰起。憶生小堂暉。一枝曾寄。悵隔江天。有人歌燕喜。

木蘭花慢

倉山尋秋與雲根各填一解

繞琅玕深處。牽翠袖。整明璫。早衰柳沈雲。枯荷洗露寒。到銀塘。鴛鴦綠波夢穩。怕分飛冷了。白萍鄉。負向湘欄。凭處。鐘聲催送斜陽。思量往事最難忘。水閣記傳觴。惜花頰殷紅。山眉紺碧。豔觀霞裳。流光又驚瞥眼。鷺西風吹遍。井梧霜。惆悵鴻來燕去。教人閱盡炎涼。

慶春澤

送別小芬妹坤于歸洛中

雁陣寒催楓林影瘦。南枝漸醒梅魂。見說行期。當筵紅玉慵傾。低徊猶記垂髫事。慣相將。醉月呼雲。睹聰明咏絮。分題促柱。搗箏。河陽瞥眼春回處。恰落燈風裏。蕭暖笙清。雙倚鴛帷。黛螺新染眉痕。好憑青鳥傳芳訊。料還應憶我伶俜。盼何時。一角家山重証離情。

南歌子

對雪

玉屑霏鴛甃。銀光燦綉帷。疎枝破萼冷香吹。時有啾啾翠羽一雙飛。團絮雕瓊佩。裁冰製麗詞。消寒底用畫胭脂。自嚼梅花和雪沁詩脾。

黃金縷

新柳

陌上春回纔幾許。沐雨和煙。掩冉愁千縷。一角紅樓簾捲處。有人偷效新眉嫵。欲起還眠芳草渡。容易成陰。莫恨流光誤。殘月曉風添別緒。絲絲不縮歸梳住。

買陂塘

春波

甚封姨者般裁剪。殺紋拋散。千疊分明。綠淨渾難唾。皺出豔陽天色。青鏡拭照兩點眉峰。翠颯雙蛾窄。新愁似織。恁霞綺晴烘。日華暖。熨熨熨。皺皺曾釋。彈指處。逝水年光。可惜一痕春蕩。吟魄關心。舊日盟鷗侶。南浦又傷離別。經歲隔弄。觴咏匆匆。過了。重三節。遊踪待覓。怕桃葉乘潮。紫花掠燕。人擁渡江楫。

虞美人

水雲閣納涼

垂楊深護三層閣。人試羅衣薄。兜央眠穩小銀塘。葉底花間。消受水雲涼。鉛刀雪藕絲縈織。笑挽同心結。珠窗雙倚指嫦娥。為問青天碧海夜如何。

金縷曲

悼亡

淚灑秋風裡。化連枝他生未卜。此生已矣。死海難填。天莫補。造物弄人何意。問可是才遭天忌。劇使釵分憐薄命。嘆伶仃兒女。今誰恃家四壁。食煩旨。淒涼事怕從前記。任消殘花紅鈿翠脂。香粉膩。一自鏡鸞悲獨舞。雲鬢飛蓬慵理。只贏得朱顏憔悴。錦瑟年華隨逝水。剩青鏡壁月孤帷。倚金石矢。柏舟誓。

摸魚兒

余自庚寅悼亡後不拈長短句已五載矣乙酉歲隨侍家大人於安平署中憶當時春

影鳳泊鸞飄感此際秋風蓉愁蕙泣旅情暗觸鄉思彌深爰歌長調以抒中悃

度樓頭一聲歸雁。西風先遞寒信。明霞催染楓林。豔砧杵滿城。淒緊重九近。試插遍茱萸。離菊迎霜。潤袖沾香冷。恁瘦不禁。秋愁偏泥酒。扶醉踏莎徑。鄉心起。目斷煙波弄暝。雙魚消息無準。憶從蘭棹江干。別添了幾多新恨。臨王鏡。問獨舞吟鸞。可是年時影。慵窺青鬢。記門名。繡書買

春琢句。往事已難省。

唐多令

雨夜不寐

支枕亂愁并。廉纖靜夜聽。响空塔。點滴分明。一樣。蕉秋戰雨。渾不似故園聲。塵夢苦難醒。勞度此生。濕寒衾。淚已成冰。剩有歸心。隨斷雁。飄泊處。又無憑。

清平樂

庭竹數竿。為雪所折。感而倚此。

竿竿清立。獨抱凌雲節。雪壓風欺禁不得。莫謂此君腰折。當年豔刻琅玕。而今塵冷檀欒。翠袖天寒。愁倚空教淚染斑斑。

定風波

正月初六日送別藍穎生表姊南歸

凍合江干咽不流。迷漫風雪送歸舟。枉說還鄉仍作客。淒絕飄零一樣等浮沤。願祝朝來雙燕疾。人日直隨飛夢度邗溝。待抵故園逢綵伴。吟歎為言添得別離愁。

湘春夜月

水仙與璞泉弟和俞四香明經原倡

認娉婷。謫來姑射仙人。絕似素娥凌波。全不染纖塵。合伴瑣窗清影。奈瑣窗岑寂。莫遣眉顰見粉痕。泣暈冰心醞釀。都是消魂。空遊醉國。吟殘楚月。夢斷湘雲。貼向晶盤。惟結箇素梅為友。同縱初春。香侵翠袖。倚畫簾。淒冷黃昏者。護怕惜飛瓊已香。瑤台縹緲。難証前因。

東風齊著力

紙鷁與璞泉弟分咏

香暝遮花。煙疏遊絮。恰趁晴春。憑誰借力。陌上踏青人。為倩東風看。真吹噓處。莫墮紅塵。垂楊外。影低貼水。聲勁粘雲。細骨剪湘筠。裁雪繭纖毫。淺抹濃皴。一絲軟曳。界破碧天痕。那是千霄直上。臨空際。黯黯消魂。清明過。飄零莫定。悵倚斜曛。

浣溪沙

天桃綻碧稚柳褪黃觸緒牽愁。拈毫弄墨用寫幽懷。敢云惆悵。

輕暖輕寒。試薄棉。釀花時節困人天。閒情未許到眉邊。玉苗嫩。殘紅杏雨。瓊簫吹破綠楊烟。可憐春色自年年。

高陽臺

春雨連綿。綠窗孤寂。板觸舊歡。彌增新感。拈筆倚此。并寄倉山諸姊妹。

濕柳拖青。煙無暈碧。滴殘疎雨。清明春到江南。紅簫吹暖。香饒染。欄花檻。知無恙。記當時。殢酒同。

凭心淒清。散了歡場。冷了詩盟。年來領略酸辛味。賸啼痕。泥袖燈影。搖青心。似水蠶絲。絲不斷。愁縈幽懷。欲遣吟情。減只宜人。一枕餘醒。恁。普騰夢也難溫。醉也難醒。

菩薩蠻

沽酒獨酌鄉思瑣。停杯濡墨按譜依聲。即寄玉魚弟婦為詢故園風景。

眉痕減翠。紅欺面。芳樽自倒無人勸。小院靜。簾櫳吹殘花信風。迢遙雲水隔。緘恨鸞箋擘。為問故園春。枝頭到幾分。

憶秦娥

夜泊露筋祠

歸舟急。春江月。隨催停泊。催停泊。輕撓繫處。柳絲籠碧。靈旗風捲芳魂滅。荒涼古廟留遺迹。留遺迹。空餘流水。為誰嗚咽。

高陽臺

舟過邦江。借淑筠管。淑儀嫺。兩妹同遊湖上。用玉田生韻。

仙閣停雲。虹橋流影。東風催送蘭船。聯袖同遊。尋芳還似當年。游絲不罥飛花住。任飄茵。墮溷堪憐。黯淒然。春去蕪城。一碧如烟。鄉柔水軟消魂地。問伊誰。落魄也效樊川。棖觸新愁。我來買醉。吟邊。蓬窗低撫吹橫竹。向波心。喚醒龍眠。隔重簾。金縷歌殘。人怕聞鶉。

湘月

題車子尊妙文捧花樓圖

天花捧出認霏霏。紅雨銖衣香遠。鏡影空明波影靜。未許纖塵輕染。覓出金蓮。參來柳絮。三月春深淺。水蠶絲褪。那番還織情繭。回首樓上梨雲玉。台人杳。只剩窺簾燕。我幸倉山鄰共買。雅製爭傳。蘭畹蝶夢。惺忪螺痕彷彿。往事和煙散。重尋林下鳳簫。猶有吟俦。

鬢雲鬆令

悄垂簾粧未整。怕觀鸞。孤掩却團圓影。怯暖憎寒。衣帶褪。不為悲秋也。恁秋來病。雁聲酸。風力驟。落葉如潮。並作淒涼境。薄睡未成。愁壓枕。淚滴紅麝。回首梨雲冷。

虞美人

月當頭夜醉中倚此

去年今夜他鄉月。病酒兼傷別。今年又見月團圓。贏得今宵。身在故鄉看。人生幾度逢今夕。莫問陰晴缺。茫茫合卺中。過自把一樽清酒。酌嫦娥。

臨江仙

丁亥三月偶檢玉檀鑲室遺稿。見摸魚子一闕。前半殘缺不能復識。末云添別恨。轉輸與牛。夜對泣人相並。愁生潘鬢。怕玉鏡台前歸來重照。不似舊時影。蓋已卯回石梁時寄余之作。

也嗚呼遺澤猶存芳徽已杳雲隨風散海岳石填憶朱紵之變調才忌君多慨翠袖之中分
命憐我薄招魂魄屈誌怨輸班夢醒春夜心傷啼月之鵲愁觸秋宵書斷叫雲之雁詞成
四闌淚下千絲

記得江干催買棹。幾番欲去。還留亂山圍合。凍雲流散。表親代補。絮語倚香篝。道是清寒無奈。
別遠遊。不為封侯時有洛川之行。可憐生小。那知愁風塵。渾未慣。花月念難酬。

又

記得青鸞傳恨字。已輸花底鶼鶼。傷春傷別一身兼。沈腰看瘦減。潘鬢怕愁添。待到歸期過上
已。羅衣有淚偷沾。藥爐烟裡靜垂簾。風懷渾不似。寫韻筆慵拈。

又

記得幽窗扶病起。喃喃同話心期。香寒玉瘦法難支。紅花紅一點。腸斷五更時。刺有柔魂消未盡。
春蠶不斷情絲。鸞刀小試總成痴。忍教分比翼。天道竟無知。

又

記得釵分悲永別。經年硯匣塵封。而今重展淚花濃。傷心留斷句。鈴印未消紅。玉鏡台前餘獨
影。梨雲鶯斷無踪。新舊恨壓眉峰。茫茫泉路杳。何處盼鱗鴻。

高陽臺

少蘭弟以倉山憶舊圖寄題與黛華姊同賦用玉田生韻

屋角紅稀。攔腰綠倦。幾番冷了。航船慘不成歡。今年又是明年。鶯籬省識。前遊在數。前遊數也。生憐。賸冷然。萬箇琅玕。款住秋烟。過來多少。淒涼事。早心寒。止水。夢冷澄川。絮絮花花。一般交付誰邊。戀人只有當時月。向倉山。自照殘眠。並垂簾。生怕招他。恨鴉啼鴝。

浪淘沙

感舊

絮語憶零星。半未分明。韶光已悔等閑輕。啼盡鶉紅春去也。直恁愁榮。短夢忒無憑。那管飄零。但留情在証他生。只恐他生緣又斷。此恨難平。

念奴嬌

暮春偶成

輕寒輕暖又冥濛。作弄釀花天氣。別有幽懷。非中酒。可奈困人如醉。一縷情柔。三生夢淺。不問華年遊。春光何限。等閑都付流水。應惜燕妬鶯嗔。啄殘紅蕙。護少金鈴繫。參到禪機。原是幻。那管風淒雨細。絮已沾泥。絲偏織。難斷悲涼意。綿綿長恨。問天天也知未。

琵琶仙

舟泊崇江小東門外夜聞隔岸琵琶聲冷然似潯陽風景起視星河美影明月在天不禁

有司馬青衫之感。爰扣舷而歌。時漏已三下矣。

雙槳乘潮。鎮無奈。一紙書來催別。惆南浦春陰。花飛有誰惜。楊柳岫孤舟自擊。更何處。四絃輕發。冷咽流泉。珠跳急雨。正愁切。本非是。司馬青衫。怎聽到。飄零淚浪濕。勞爾素心。低訴似。潯陽風月。憐此際。蓬窗獨撫。對玉蟾也。感斯夕。最是淪落天涯。古今淒絕。

滿江紅

中秋感懷

小謫紅塵。早又是。中秋佳節。問怎忍。蛾眉遭忌。也同詞客。三尺吳鉤酬壯志。五車書史供歌泣。嘆人間。無地可容身。乾坤窄。胸頭事。那堪說。天邊月。曾相識。欲乘鸞歸去。瓊樓瑤闕。碧海茫茫。驚夢隨。寒煙漠漠。和愁織。聽荒城。斷雁叫。西風。鄉心切。

洞仙歌

題洪容生夫人秋容攬鏡遺照

新妝綽約。却湘欄。閒凭。照水娟娟。自憐影。看眉雕瓊葉。髻綰仙雲。明鏡裡。豔與霜華相並。塵寰經小謫。惆悵將誰。畫夢無端驗。窺并紫玉已成煙。遺恨潘郎。算十載。秋懷吹冷。嘆。莫向前。天証蘭因。勝墜粉。零香。畫圖重認。

綺羅香

題紅袖添香夜讀書圖

綠蠟凝烟青梧浥露翠鎖新涼庭院。若許幽情靜夜有人攤卷。瑤階畔蛩和吟寒。明簾外月扶花倩。數更番。玉漏頻催。琳琅披拂不知倦。金猊犀甲欲燼。纖手拈來悄。熱煙痕縈篆。心字燒殘雲長。鳳釵低顛。迴瘦影兩鬢堆鴉。溜橫波一泓明剪。問疎狂醉寫烏絲。可如修史豔

臺城路

題秋林仕女圖

水綃繪出蕭疎景。披圖便生秋意。霞綺晴烘。霜華豔兔。點染楓林如醉。題隨流水。恁錦字難緘。淒涼情味。踏碎苔痕。小鬟低語玉釵墜。伶俜嬌影自惜。爲西風荏苒。吹殘吟思。翠袖單寒。朱顏寂寞。登得幾多憔悴。消魂似此。認瑤島飛仙。墮臨塵世。待喚真真。步虛聲欲至。

醉花陰

偕淑筠淑儀兩妹坐荷亭納涼

嫩綠陰濃參遠岫。無事消長晝。帶酒倦繙書。薄醉臨風。紅藕香吹透。纖纖眉月窺人瘦。又晚涼時候。小凭曲欄干。數點流螢。飛墮輕羅袖。

蝶戀花

新月

楊柳梢頭花徑裡。一霎窺人。却又無。忽避。生怕留連雲吹作去聲起。蛾眉從古招謠忌。有恨無愁空自擬。淺露鸞環。誰識分明意。枉祝團圓酬再世。情癡偷拜珠簾底。

金縷曲

追悼

百念都灰盡。歷名場一番領略。一番悲哽。為語當時耽血性。非是吾真太忍。到此際淒涼方省事。與心違。諳世味道。年來榮斷柔腸寸。水共雪憑人論。微吟薄醉甘隨分。又何曾曉窗夜月。自傷形影。縹緲蓬萊歸未得。祇剩淚珠交迸。渾不為香消夢冷。渺渺孤鴻風露裡。嘆寒枝檢盡。棲無定。飄泊處有誰問。

唐多令

蘆花

慣送往來舟。風生瑟瑟秋。傍荒灘影共江流。一片冷雲低欲護。棲不定。有沙鷗。渾似柳綿柔。吹殘紅蓼洲。嘆年華逝水難留。最是情多頭易白。擔盡了。別離愁。

洞仙歌

竹畦二兄招同儷。華潤如兩姊。吉甫少蘭諸弟。藟集沁香山館。看牡丹。即席分賦。

錦帷初捲。認瑤台仙格。淺碧輕紅釀春色。看晴霞散綺。茜雪霏香。香沁處。圍住慈蜂嬌蝶。年來

分雁影。此夕相招綠螳休辭。醉芳國彩筆倚新詞。同學蠶箋。且莫問啼鶉聲急。試喚取姮娥伴。清樽願歲歲花前照人無缺。

南歌子

春日病起

寒怯衣枝峭。眉嫌鏡影濃。病餘落絮不禁風。為倩游絲。宛轉罥花紅。泥酒心猶怯。辜芳事已空。梨花深院靜簾櫳。又是一年。春負雨聲中。

鵲踏枝

次紫卿妙春日見懷原韻

薄暮新寒生料峭。睡思惺忪。却被狸奴惱。流水又隨春去了。柳綿飛盡鶯聲老。一縷愁絲如篆。曷寄語靈禽。莫向枝頭噪。小院深沈人靜悄。拈來紅豆難成調。

附原作

怯試春衫寒尚峭。細雨斜風。不管鶯花惱。已清明都過了。杜鵑聲裡韶光老。寂寂重簾香篆。曷喜新晴。靈鵲穿花噪。宿酒醒來情悄悄。綠窗自譜穿雲調。

慶春澤

題趙野航廣文秋雨懷人圖

邀鶴雲閑。欸鷗夢冷。西風吹散朋簪。待不思量。可因芳訊浮沈。却憐綠葉芭蕉雨。作淒涼、响和疎砧。一聲聲、那管人愁。滴碎秋心。消魂記取天涯別。恨河橋柳暗。隔浦春深。嚼蕊吹花等閑。妨了清吟。憑誰莫唱瀟瀟曲。倦離情、強半難禁。証香盟、剪燭何時。同話塵襟。

月華清

再題夜月懷人圖

瓊露零煙。銀華瀉影。一輪圓滿如昔。散了歡場。祇照離人幽咽。濯水壺寒。鎖珠魂、暈皓彩光凝。瑤魄聲急。正疎林風度。亂飛殘葉。那更悲秋惜別。早瘦減青衫。倚樓岑寂。橘綠橙黃。盼斷江南歸客。待商量。他日琴樽怕冷。落舊時花月。相憶倩荊關寫出。畫圖清絕。

壺中天

少蘭弟招同人讌集柳谷賞牡丹醉後坐雙湖亭共話疇昔暖風欺面涼翠撲衣月色波光爭耀如置身於水壺中爰各譜一解以紀之

柳陰深處。正招來綠伴。杯浮香螭。十載孤吟。閒眺慣樂聚。今番何似。月門清華。花凝富貴。人醉東風裡。紅酣綠豔。夜涼濃露沾袂。年時悵隔關山雁。傳天末不盡相思。竟此夕圍鑲水鏡。下六曲迴欄。同倚酒巖。愁虜雲驅幻夢。共話滄桑事。鷓鴣絃。淒斷按聲猶譜瑤思。

沁園春

花魂

是耶非耶。萬綠圍中。珊珊自憐。怎錦囊總貶。便如倩女。芳胎乍蛻。已作游仙。着露仍離。籠陰似化。月夜猶應。落舞筵。荷堪問。只儘雲現後。綺夢都鐫。絲牽解語。纏綿。又幾片。潛消欲証禪。怪春喧小院。蜂粘幻影。香迷曲徑。蝶抱成煙。石上三生。枝頭一霎。淒斷微雲。淡雨天。傷情甚。恁珠璣招徧。難駐華年。

前調

絮影

非雪非花。疑有疑無。斜陽淡鏡。正漫天搖漾。春迷短夢。隨風飄蕩。香糝柔魂。搓不成團散。原是幻入。硯沾泥認。未真。雙堤畔。怪昏黃月墮。斂了輕痕。紛紛亂撲。相紋似鏡。裡盈盈粉淚。勻。又飛臨池面。游魚啞。悞吹來欄角。舞燕啣頻。玉霧浮沈。珠塵落漠。遮斷離亭。欲化雲。悠颺態。剩一分流水。空處傳神。

賀新涼

隨園消暑與竹畦。起二兄少蘭祖惠小邨祖惠兩弟。驚華潤如紫。卿姊分賦得。鶴橋步月。薄醉邀吟伴。度溪橋。鶴遮徑。瓜步隨堤轉。翠袖同堂。苔鮮滑。欲倩柳扶花。款漸捲起。姮娥雲幔。璧玉奩開水鏡吐。鍊霜痕。雪魄凝寒淺。良夜靜。月華滿。銀塘瀲灩。霞光燦。暑吹來。荷香一縷。塵襟

如浣水國紅肥人影瘦。不耐露纖風軟。更悄把羅衣添換。遠遍欄杆。捫遍竹鎮。清遊忘倦。歸都懶。應惜取。漏聲短。

齊天樂

雙湖垂釣

園林雨歇山痕鎖。煙波盪搖無際。紅顛風荷。青拖露柳。圍住雙湖亭子。炎飈盡洗。乍欄曲閒凭。香輪親理。玉尺爭跳。一絲纔墜。又浮起。如參禪意。竟日鎮忘機。顧影牽蘿雜思。仙鯽釣來。金鱗剖處。中有故人書。未斜陽散綺。正雪藕水桃嫩。涼生袂。膾細如銀。玉壺同買醉。

金縷曲

嘔血戲占

湧花出蓮舌。鷲猜疑。九霄咳唾。罪成紅雪。噙玉懷冰寒沁肝。胆生來原熱。是半世胸頭凝結。舉目蒼涼。無處洒看。星星點點沾襟濕。還較比。淚痕赤。羅浮縹緲尋仙跡。怨天公。未容蝶化。偏教磨折。冷雨敲窻。魂又返也。似短檠明滅。只聽奴。傍人相惜。說道虛名。今古累甚。嘔心奇句。選人識。塵寰夢。轉輪掣。

沁園春

對鏡

圓水之中。似是疑非。端相欲驚。恁兩眉恨鎖。眉消蛾綠。雙髮愁擁。暗換雅青水。剪瞳寒花。博殢艷。昔日憐伊。此日憎傷憔悴。問今吾故我。誰駐真形。晶瑩枉自通靈。只難卜。團圓過一生。嘆憑人。幻象。隨悲隨喜。泥人知坐。如醉如醒。簾捲春風。奩開秋月。獨舞吟鸞。感不勝。重慶。照瓊瑕。疵無愧。心共澄清。

滿江紅

庚寅仲秋病歸石梁倚此留別倉山諸姊妹

歲歲分襟問。怎似今番淒切。更一樣長堤衰柳。那堪攀折。囑語原無腸。暗轉離杯未飲。聲先咽。心最傷。回首望庭帷。音容絕。遮不斷秋山色。消不盡胸頭血。悔頻年肝胆。濫因人熱。散盡黃金空買怨。歌殘白雪。真成別。嘆依栖兩地。揔難憑。呼天說。

又

病骨懨懨禁不起。閉愁于疊。況又值新秋。天氣亂蟬。哀咽。聽水聽風。原底慣。乍驟暖。寒心猶怯。問柔腸底事。苦牽縈。非關別。衣上淚都沾濕。胸中恨難消滅。奈江鄉此去。幽思凝結。鏡裡花嬌。悲幻影。風前絮弱。飛無力。恐歸來已化杜鵑。魂空啼血。

摸魚子

題程禹山虞卿先生水滸閑舫詞

譜新聲。暗香疏影。清空高格。誰似蕃薇研露。緘懷抱不。數柳酥秦鳳。傳勝事。道筆鬪春風。絕江南地。歌狂劍倚。看酒暈紅。皺襟痕碧唾。花月滯吟醉。非非想。好句曾聞姓字。事載當時本集當時憐我猶稱。今來聞說坡仙老。減却綺情豪氣。諸世味。只作客年年。栽遍閒桃李。功名逝水。愛舫外雲深。鷗邊蓼穩。歸卧故山翠。

沁園春

嬌

中酒懨懨。綉幔深遮。猶憎峭風似。昭陽舞罷。纖腰婀娜。華清睡起。倦眼惺忪。粉倩嬈敷眉。羞郎畫繡。綵偏多。厭箇儂臨粧鏡。悵隔簾偷眼。芍藥煙籠。栽紅刻翠。都慵。怎小病無端。玉釧鬆。鎮薰香閉坐。蘭吹怯。燠。當窓悄立。花氣嫌穠。半晌含顰。幾回斂笑。不耐人嘲。頰暈烘。歌喉嚙。比鶯調。黃脆一串珠同。

前調

憨

生小瓊閨。不辭閑愁。嬉遊慣。尋記烏圓。抱得棋翻殘局。雪衣教處。經誦多心。宛轉依人。聰明弄舌。聽到關雎也學吟。相嘲急。凭紅絨爛熳。唾面難禁。停鍼悄曳羅襟。祇愛捉迷藏。避綠陰。更風廊。搓手。戲搏飛絮。月欄劃影。笑摘橫簪。清宴猜花。良宵射覆。醉灑星眸。酒泥斟。看傾後。尚喃喃再

再嚙語更深

前調

痴

說夢生涯賣去重來依依肯離慣。爐香留得看煙篆。縷雲閣住。遲雨成絲。倦蝶酣春。游蜂粘絮。花落花開。絕不知猜疑。甚指兒央。翡翠底事。雙飛。淒欸福慧難齊。有生點兼時。癖可醫。道狂由恨。積耽書。非計。愁因愛結。化石何辭。待補情天。多牽繳網。信是聰明百未宜。拋紅豆。怪柔魂消盡。還種相思。

前調

妬

風味如梅。箇裡參來。深情可憐。是絲牽一縷。猜生意外。恨縈千種。夢在誰邊。未許卿卿。豈容爾爾。厭聽星籠。替月圓。歲蕤鎖。恐尋芳曲院。泥酒歌筵。花前私約。傳箋道難覓。鷓鴣欲問天。嘆空梁泥落。才猶遺忌。斛珠怨賦。色自爭妍。眉語潛通。眼波暗遮。嗔到人間。並蒂蓮。天桃艷怕。悄凭欄角。又逗纏綿。

買陂塘

送少蘭大弟入都

憶河陽。碧雲迢遞。葉尊共譜銷歇。歸來小踐烟霞約。買醉共吟花月。旋賦別。嘆辛苦營巢。依舊成
虛說。魚書剗切。指羊角倉山。三椽竹屋。依住慰孤才。疾寅。女歸。天長。卜宅。未就。弟作書見。招以倉山之側。間屋數間。借居焉。纔連袂。
忍聽鷓鴣催發。匆匆重踏。霜雪荆枝。一樣同根蒂。一樣離懷。淒絕。嘆我拙縱。飼鶴無糧。未肯從人乞。
消寒社結。算後日迎年。團圓守歲。話遠感佳節。

慶春澤

又次少蘭弟留別原韻

絲眉飛花。風搏落葉。歡場似日常圓。選韻分題。梅邊鶴伴雲間。無端又聽楓亭笛。看長河落日孤
懸。料征車欲發還停。別緒綿綿。干霄直上從今始。願春暉永駐。鴻案齊眉。錦他時家山料

理。畊煙者番。莫作飢驅。感看衝寒。重踏幽燕。慰離情小聚天涯。棣萼新聯。又。弟時亦作都。

鎖窗寒

消寒第二集分賦得寒魚

玉濕烘晴。珠跳破凍。一江風峭。孤舟雪裡。几度悞他閑釣。暮猜疑鷗鷺。拳冷香藉護。無煩藻也
自安。酒輒依沿。噓沫竟忘寒潦。休道煙波好。怪二月春潮等閒過了。橋陰聚影。那料蘆荒秋
老。甚牽躑躅。麥窩行絲。素書吟斷。冰下少。只供人換酒霜天。夜話漁燈小。

南歌子

大雪行瓦梁道中

身是風前絮。家如雨後萍。塵心勘破別離輕。銀海蒼茫。何處認歸程。路轉遙山失。車迴曲岸平。衝寒莫怨踏層冰。馬滑霜濃。天外有人行。

清平樂

寄懷叔筠二妹

衝寒犯雪。底事輕離別。撲面冰花風凜冽。冷了肝腸難熱。六年心曲同商。而今雁影分行。寄語畫眉窗下。要從時樣梳粧。

摸魚兒

答竹畦二兄見懷之作並次原韻

灑離筵。淚珠紅。澹酸心。非為傷別。翻瀾時事如棋局。袖手那爭殘劫。悲更咽。看弱彘丁也。共衝風雪。行行路折。有玉屑迎頭。瓊囊剗地。人凍欲僵絕。飢驅感慘綠。年華飄忽。愁絲如繭。繫結關情細數。分襟後。月影幾回圓缺。歸思切。嘆露苦煙辛。杜宇空啼血。金輪兒徹。只選韻。嘲化分壽。賭酒耳向隔江熱。

慶春澤

題湯雨生都督十二古琴書屋填詞圖

玉澗鳴泉寒湍漱石泠泠古調誰彈竹臨梅窗人誇眷屬神仙數來花信風過半拂水絃流水
高山看悠然香裊重簾韻繞迴欄將軍甲帳談兵懶似閑雲出岫鳥倦知還築屋江南天教
重主六坛蘇豪柳膩含宮徵寫烏絲爭刻琅玕和雁難白雪新聲唱徧雙鬢

摸魚子

琴

撫水絃嘗喜人去橫陳三尺塵滿垂簾聲悄銷蘭炷是否綠陰眠懶岩石畔聽古調泠泠冷逗
松風轉幽篁坐晚又曲澗跳珠飛湍瀉玉清籟逼霄漢房中奏靜好年時都幻新來誰識桐
鬢歸心縈斷瀟湘雨一曳一絲淒悅宮羽換悵落拓天涯書劍常為伴情孤海岸看鶴舞煙霏
龍吟月黑汨汨水雲亂

前調

棋

響丁丁韻生何處空山流水相應神仙遊戲樵柯爛剖橘幻如塵境消晝永恰水簾疏簾萬个琅
玕映閒情煮茗有體賦方圓聲傳膈膊人在隔帷聽沈思際似佛低眉形疑機來善莫無刺
心平輸與從傍者黑白滿盤窺定良夜靜更王子敲殘紅顛蘭缸影參差不整又別墅秋深幽窓
雨黯黃葉一枰吟

前調

書

做鍾王墨池濃瀟危峰崩石幽峭便娟妍婉夫人格。綵筆共爭華耀。君莫笑。笑小技雕虫。枉自
矜纖巧。韶光負了。只篆刻青螭。文磨碧蠹。空記姓名好。搜蝌蚪。印雪猶留鴻爪。懸針垂露。都渺
芭蕉添種。臨摹處。座有綠雲圍繞。深院悄。又貝葉繡殘。一縷茶烟。暮尋來古道。刺雨蝕雷轟霜
摧日久。斷碣沒芳草。

前調

畫

恁淋漓。潑來殘墨。水綃疑暮。輕霧峯峯綠。重疊泉流曲。怪石老松幽。古林壑趣。問若箇支筇獨立
蒼茫處。紅妍綠嫵。倩妙手吹枯。靈機織錦。更莫點蠹誤。蕭疎景。寫出寒汀煙渚。明湖添著拳
鷺。鉞來濃艷。如春釀。雁有柳噴花妬。工綉素。是繞徧迴欄。清曉研微露。傳神獨步。只心上秋痕眉
邊謎語。未許綵毫譜。

疎影

題車子尊姊文家在江南黃葉邨圖并次原韻

憶迴短權認故林烟景。三月春好。可奈西風。髣柳凋。梧曲逕冷。和麈掃。秋人未憤天涯苦。更不料天

涯秋早。甚無端、慘綠年華暗地。被霜催老。聽說純鱸味美，倚樓正望，遠波鏡愁照。雁影初涵一
剪吳淞，隨着鄉心流到。柴門靜掩斜陽裡。寒華姊居倉山之側怪鏤翠裁紅都少。劇闌情乾，鵲為傳歸信，
聲聲迎噪。

如此江山

題姚邦生文明府雲山洗眼圖

徧傳樂府金盞製。名坛雅傾元日。鶯管吹香。螺杯泛玉。錦瑟華年消得。流光過隙。更出岫雲間。卷舒
無迹。放眼蒼茫。一峰青削倚天直。晴波搖漾。美影映。烟鬟瀉翠。涼霧如滴。練淨疑搭。霞明欲
浣倦。看春紅秋碧。南來捧檄。恁六代江山。又供遊屐。滌盡塵襟。醉吟還似昔。

南柯子

寒月入窗愁不成。寐偶拈短調。一闕以寄黛華。潤如兩姊。時於梁都轉。夫人寓齋課讀華琳
涵清四女公子

霜冷凌蟾鏡。香寒損蝶衣。等閒減了舊腰肢。不分烟波鷗夢。有涼時。聲撼琤琮玉。情牽宛轉絲。
待拈紅豆譜相思。又恐窺簾鸚鵡。笑人痴。

南鄉子

妨了綉功夫。來校柳娘秘字書。欲織靈機絲繞亂。珍珠曲曲穿成。不似初。人悄夜窗虛。風颺花魂

沈氏詩言
月倩扶一種閒愁。拚訴與模糊。偏到相逢語。又無。

祝英臺近

題畫扇

蝴蝶花

雨抽苗烟圻甲。春色幾分吐草綠。南園應記舊遊路。怪他一夜東風。柔魂吹醒。向香國。踟躕還舞。更看取有人。晚鏡凝粧。纔簪又疑。誤頭上釵頭。相相欲飛去。生憐濕粉。猶粘難留。幻影倩珊管。摹臨紈素。

洞仙歌

荷包牡丹

胭脂染出。認瑤台仙品。數朵零星綴春影。是風絲織就。烟縷穿成。承綠露。結箇同心相贈。群芳探秘譜。怎字文無。三調清平剪雲錦。搖曳曲欄前。縷翠裁紅。同一樣天香。飄徑待覓取。秋荷製為裳。試綉比湘蘭。佩來終稱。

清平樂

題沈友竹

維敬

公子獨坐幽篁裡。圖

風篁夏玉。萬个凝烟綠。幾日貓頭看未足。咒得濃陰如幄。濕衣涼露冷冷。窺人月。轉分明。料理湘。

絃譜出四山都作秋聲

金縷曲

壬寅仲秋小住石梁黛華姊以詞見寄倚此代柬並以慰之

片紙傳天外痛分襟又悲鏡破歡場難再昔日飛觴行樂處今作愁城怨海只血淚縱橫偷洒靜
掩柴門無利啄閱浮雲幻盡炎涼態貧與病一身載歌離弔夢知誰解快聽明輪他大地兒痴
女駿便祝生生情不斷漫向蒲團膜拜把瑤想瓊思都戒畫杖和丸勤教子看古來賢母留
名在酸辛境要禁耐

又

我亦傷心者怎忘情高歌痛飲人前聊且縱是啣泥無殼嘯一樣鸞孤鵲寡況別有愁腸難寫作
連儻供塵眼白道嘲花咒竹真瀟灑任來去片帆挂玉台枉自傳佳話恁纏綿眉齊目比良
緣都假石火風輪驚夢覺說甚愛河難捨喚不轉春光去也淚滴成冰珠作字托雙魚不到
黃泉下生死恨只空恁

鷓鴣天

孟冬二日至南鄉展外子墓雨阻而返悵然以紀

夢想音容不再逢西風蕭瑟唳哀鴻淚零蔓草荒烟裡目極寒雲冷霧中尋曲徑碧苔封一林

雨氣濕濛濛如何咫尺松楸路也似蓬山隔萬重

雨中花

癸卯寒食同人宴集海棠花下分賦得此

吹遍番風青到柳釀輕寒禁烟時候薄日晴烘微雲淡卷簾外一枝紅透
結伴月廊閒煮酒
腸迴處淚痕濕袖待乞春陰難圓幻夢不抱綠章重奏亡女有月
廊香夢圓